

«Էնվիրոնիա Արմենիա» ՍՊԸ

ՖՀՄՍ համաձայն Ֆինանսական հաշվետվությունների

2022թ. դեկտեմբերի 31-ին ավարտված տարվա համար

հազ. ՀՀ դրամ

Բովանդակություն

Ֆինանսական հաշվետվություններ

Ֆինանսական վիճակի մասին հաշվետվություն	1
Համապարփակ ֆինանսական արդյունքների մասին հաշվետվություն	2
Սեփական կապիտալում փոփոխությունների մասին հաշվետվություն	3
Դրամական միջոցների հոսքերի մասին հաշվետվություն	4

Ֆինանսական հաշվետվություններին կից ծանոթագրություններ

1. Տեղեկություններ ընկերության մասին	5
2. Հաշվապահական հաշվառման քաղաքականության նշանակալի դրույթներ	5
3. Հաշվապահական հաշվառման քաղաքականության և բացահայտումների փոփոխություններ	15
4. Հաշվապահական նշանակալի դատողություններ, գնահատումներ և ենթադրություններ	16
5. Հիմնական միջոցներ, ոչ նյութական ակտիվներ և օգտագործման իրավունքի ձևով ակտիվներ	17
6. Ոչ ընթացիկ կանխավճարներ	17
7. Ապահովագրության կանխավճարներ	17
8. Առևտրային և դեբիտորական պարտքեր	17
9. Դրամական միջոցներ և դրանց համարժեքներ և ավանդներ բանկերում	18
10. Կանոնադրական կապիտալ	18
11. Առևտրային և այլ կրեդիտորական պարտքեր	18
12. Վարձակալություն	18
13. Հարկում	18
14. Հասույթ	19
15. Այլ եկամուտ	19
16. Այլ գործառնական ծախսեր	19
17. Ֆինանսական գործիքների ռիսկերի կառավարման նպատակներն ու քաղաքականությունը	20
18. Կապակցված կողմերի հետ գործարքներ	21
19. Հրապարակված, սակայն դեռևս չգործող ստանդարտներ	21

Անկախ աուդիտորի եզրակացություն

«Էնվիդիա Արմենիա» ՍՊԸ-ի մասակցին

Կարծիք

Մենք աուդիտի ենք ենթարկել «Էնվիդիա Արմենիա» ՍՊԸ-ի (այսուհետ՝ «Ընկերություն») ֆինանսական հաշվետվությունները, որոնք ներառում են ֆինանսական վիճակի մասին հաշվետվությունը՝ առ 31 դեկտեմբերի 2022թ., ինչպես նաև այդ ամսաթվին ավարտված տարվա համապարփակ ֆինանսական արդյունքի, սեփական կապիտալում փոփոխությունների, դրամական միջոցների հոսքերի մասին հաշվետվությունները և ֆինանսական հաշվետվություններին կից ծանոթագրությունները՝ ներառյալ հաշվապահական հաշվառման նշանակալի քաղաքականության ամփոփ նկարագիրը:

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում Ընկերության ֆինանսական վիճակը 2022 թվականի դեկտեմբերի 31-ի դրությամբ, ինչպես նաև այդ ամսաթվին ավարտված տարվա ֆինանսական արդյունքը և դրամական միջոցների հոսքերը՝ Ֆինանսական հաշվետվությունների միջազգային ստանդարտների համաձայն (ՖՀՄՍ-ներ):

Կարծիքի հիմք

Մենք աուդիտն անցկացրել ենք Աուդիտի միջազգային ստանդարտներին (ԱՄՍ-ներին) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է սույն հաշվետվության «Աուդիտորի պատասխանատվությունը ֆինանսական հաշվետվությունների աուդիտի համար» բաժնում:

Մենք անկախ ենք Ընկերությունից՝ համաձայն Հաշվապահների էթիկայի միջազգային ստանդարտների խորհրդի կողմից հրապարակված «Պրոֆեսիոնալ հաշվապահի էթիկայի միջազգային կանոնագրքի (ներառյալ Անկախության միջազգային ստանդարտները)» (ՀԷՄՄԽ կանոնագիրք), և պահպանել ենք ՀԷՄՄԽ կանոններով նախատեսված էթիկայի այլ պահանջները:

Մենք համոզված ենք, որ ձեռք ենք բերել բավականաչափ ու համապատասխան աուդիտորական ապացույցներ՝ մեր կարծիքը հիմնավորելու համար:

Ղեկավարության և կառավարման լիազոր անձանց պատասխանատվությունը ֆինանսական հաշվետվությունների համար

Ղեկավարությունը պատասխանատու է ՖՀՄՍ-ների համաձայն ֆինանսական հաշվետվությունների պատրաստման և ճշմարիտ ներկայացման, ինչպես նաև այնպիսի ներքին հսկողության համակարգի համար, որն ըստ ղեկավարության, անհրաժեշտ է՝ խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումը ապահովելու համար:

Ֆինանսական հաշվետվությունները պատրաստելիս ղեկավարությունը պատասխանատու է Ընկերության անընդհատ գործելու կարողությունը գնահատելու համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության սկզբունքը կիրառելու համար, եթե ղեկավարությունը չունի Ընկերությունը լուծարելու կամ Ընկերության գործունեությունը դադարեցնելու մտադրություն, կամ ունի այդպես չվարվելու որևէ իրատեսական այլընտրանք:

Կառավարման օղակներում գտնվող անձիք պատասխանատու են Ընկերության ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով գերծ են էական խեղաթյուրումներից, անկախ դրանց՝ խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորի եզրակացություն:

Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խարդախության կամ սխալի արդյունքում առաջացող խեղաթյուրումները համարվում են էական, երբ խելամտորեն կարող է ակնկալվել, որ դրանք՝ առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացրած տնտեսական որոշումների վրա:

ԱՄՄ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի լրումն՝

- Հատկորոշում և գնահատում ենք՝ սխալի կամ խարդախության հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով և ձեռք ենք բերում աուդիտորական ապացույցներ, որոնք բավարար են և համապատասխան մեր կարծիքը հիմնավորելու համար: Խարդախության հետևանքով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով առաջացած էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում:
- Ձեռք ենք բերում աուդիտին վերաբերող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե Ընկերության ներքին հսկողության արդյունավետության վերաբերյալ կարծիք արտահայտելու համար:
- Գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը:
- Եզրահանգում ենք ղեկավարության կողմից հաշվապահական հաշվառման անընդհատության հիմունքի կիրառման տեղին լինելուն, և հիմնվելով ձեռք բերված աուդիտորական ապացույցների վրա՝ գնահատում ենք՝ արդյոք առկա է էական անորոշություն դեպքերի կամ իրավիճակների վերաբերյալ, որոնք կարող են նշանակալի կասկած հարուցել Ընկերության անընդհատ գործելու կարողության վրա: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորի հաշվետվությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե այդ բացահայտումները անբավարար են, ձևափոխել մեր կարծիքը: Մեր եզրահանգումները հիմնված են մինչև մեր հաշվետվության ամսաթիվը ձեռք բերված աուդիտորական ապացույցների վրա:



Հեռ. +37460 528899
Էլ. փոստ՝ bdo@bdoarmenia.am
www.bdoarmenia.am

ՀՀ, ք. Երևան
Դ. Անհաղթի 23/6, 5-րդ
հարկ, տարածք 7

Այնուամենայնիվ, ապագայում տեղի ունեցող դեպքերը կամ ի հայտ եկող հանգամանքները կարող են հանգեցնել նրան, որ կազմակերպությունը դադարեցնի անընդհատության սկզբունքի կիրառումը:

- Գնահատում ենք ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ՝ բացահայտումները, ինչպես նաև ֆինանսական հաշվետվությունների հիմքում ընկած իրադարձությունների ու գործարքների ճշմարիտ ներկայացումը:

Կառավարման օղակներում գտնվող անձանց տեղեկացնում ենք աուդիտի առաջադրանքի, պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, այդ թվում ներքին վերահսկողության համակարգում ցանկացած էական թերությունների մասին, որոնք մենք բացայայտել ենք աուդիտի ընթացքում:

«Բի-Դի-Օ Արմենիա» ՓԲԸ

Վահագն
Տնօրեն




Սերգեյ Յակովլև, FCCA
Առաջադրանքի ղեկավար

29 հունիսի 2023թ.
ք. Երևան

Ֆինանսական վիճակի մասին հաշվետվություն

31 դեկտեմբերի 2022թ.

հազ. ՀՀ դրամ

	Ծան.	31 դեկտեմբերի 2022թ.
Ակտիվներ		
Ոչ ընթացիկ ակտիվներ		
Հիմնական միջոցներ	5	591,231
Օգտագործման իրավունքի ձևով ակտիվներ	5	329,877
Ոչ նյութական ակտիվներ	5	73
Անավարտ շինարարություն	5	179,385
Հետաձգված հարկային ակտիվ	13	24,703
Ոչ ընթացիկ կանխավճարներ	6	33,123
Ընդամենը ոչ ընթացիկ ակտիվներ		1,158,392
Ընթացիկ ակտիվներ		
Ապահովագրության կանխավճարներ	7	71,253
Առևտրային և այլ դեբիտորական պարտքեր	8	377,441
Դրամական միջոցներ և դրանց համարժեքներ	9	2,801,772
Ընդամենը ընթացիկ ակտիվներ		3,250,466
ԸՆԴԱՄԵՆԸ ԱԿՏԻՎՆԵՐ		4,408,858
Սեփական կապիտալ		
Կանոնադրական կապիտալ	10	-
Զբաղիված շահույթ		438,408
ԸՆԴԱՄԵՆԸ ՍԵՓԱԿԱՆ ԿԱՊԻՏԱԼ		438,408
Պարտավորություններ		
Առևտրային և այլ կրեդիտորական պարտքեր	11	1,115,007
Վճարման ենթակա շահութահարկ		119,231
Պայմանագրային պարտավորություններ	14	2,408,403
Վարձակալության գծով պարտավորություններ	12	327,809
Ընդամենը ընթացիկ պարտավորություններ		3,970,450
ԸՆԴԱՄԵՆԸ ՊԱՐՏԱՎՈՐՈՒԹՅՈՒՆՆԵՐ		3,970,450
ԸՆԴԱՄԵՆԸ ՍԵՓԱԿԱՆ ԿԱՊԻՏԱԼ ԵՎ ՊԱՐՏԱՎՈՐՈՒԹՅՈՒՆՆԵՐ		4,408,858

Սույն ֆինանսական հաշվետվությունները հաստատվել են ղեկավարության կողմից 2023թ. հունիսի 29 և ստորագրվել են

Digitally signed by Rev Lebareadian
Date: 2023.06.29 19:39:38 CDT



Գլխավոր տնօրեն՝

Ռ. Լեբարեդյան

Գլխավոր հաշվապահ՝

հաշվապահական ծառայություններ
մատուցող ընկերություն՝

Էրևսթ ընդ Յանգ ՓԲԸ

Գլխավոր տնօրեն

Է. Հայրապետյան

Համապարփակ ֆինանսական արդյունքների մասին հաշվետվություն**Մեկնարկման ամսաթվից՝ 17 մարտի 2022թ.-ից մինչև 31 դեկտեմբերի 2022թ.-ը****հազ. ՀՀ դրամ**

		Մեկնարկման ամսաթվից՝ 17 մարտի 2022թ.-ից մինչև 31 դեկտեմբերի 2022թ.-ը
	Ծան.	
Հասույթ	14	4,502,929
Այլ եկամուտ	15	194,341
Անձնակազմի գծով ծախսեր		(3,742,936)
Մաշվածության և ամորտիզացիայի ծախսեր	5	(161,383)
Այլ գործառնական ծախսեր	16	(192,944)
Գործառնական շահույթ		600,007
Չուտ վնաս արտարժույթի փոխարկումից		(57,949)
Տոկոսային ծախս	12	(9,122)
Շահույթ նախքան հարկումը		532,936
Շահութահարկի գծով ծախս	13	(94,528)
ԸՆԴԱՄԵՆԸ ՏԱՐՎԱ ՀԱՄԱՊԱՐՓԱԿ ՇԱՀՈՒՅԹ		438,408

Սեփական կապիտալում փոփոխությունների մասին հաշվետվություն**Մեկնարկման ամսաթվից՝ 17 մարտի 2022թ.-ից մինչև 31 դեկտեմբերի 2022թ.-ը****հազ. ՀՀ դրամ**

	Կանոնա- դրական կապիտալ	Զբաղիված շահույթ	Ընդամենը սեփական կապիտալ
Մնացորդն առ 17 մարտի 2022թ.	-	-	-
Կանոնադրական կապիտալի ավելացում	-	-	-
Ժամանակահատվածի ընդհանուր համապարփակ եկամուտ մեկնարկման ամսաթվից՝ 17 մարտի 2022թ.-ից մինչև 31 դեկտեմբերի 2022թ.-ը	-	438,408	438,408
Մնացորդն առ 31 դեկտեմբերի 2022թ.	-	-	438,408

Դրամական միջոցների հոսքերի մասին հաշվետվություն**Մեկնարկման ամսաթվից՝ 17 մարտի 2022թ.-ից մինչև 31 դեկտեմբերի 2022թ.-ը****հազ. ՀՀ դրամ**

	Մեկնարկման ամսաթվից՝ 17 մարտի 2022թ.-ից մինչև 31 դեկտեմբերի 2022թ.-ը
Ծա ւ.	
Դրամական միջոցների հոսքեր գործառնական գործունեությունից	
Շահույթ նախքան հարկումը	532,936
Ճշգրտումներ.	
Մաշվածություն և ամորտիզացիա	161,383
Տոկոսային ծախս	9,122
Արտարժույթային տարբերություններ, զուտ	57,949
Գործառնական ակտիվների և պարտավորությունների փոփոխություն.	
Առևտրային դեբիտորական և այլ ընթացիկ ակտիվների աճ	(481,817)
Առևտրային և այլ կրեդիտորական պարտքերի աճ	1,029,044
Պայմանագրային պարտավորությունների աճ	2,408,403
Գործառնական գործունեությունից ստացված դրամական միջոցներ	3,717,019
Վճարված շահութահարկ	-
Գործառնական գործունեությունից ստացված զուտ դրամական միջոցներ	3,717,019
Դրամական միջոցների հոսքեր ներդրումային գործունեությունից	
Հիմնական միջոցների ձեռքբերում	(723,829)
Ոչ նյութական ակտիվների ձեռքբերում	(80)
Ներդրումային գործունեությամբ օգտագործված զուտ դրամական միջոցներ	(723,909)
Դրամական միջոցների հոսքեր ֆինանսական գործունեությունից	
Վարձակալության պարտավորությունների մայր գումարի վճարում	(113,300)
Ֆինանսական գործունեությամբ օգտագործված զուտ դրամական միջոցներ	(113,300)
Դրամական միջոցների և դրանց համարժեքների զուտ աճ Փոխարժեքային տարբերությունների ազդեցությունը	2,879,810
դրամական միջոցների և դրանց համարժեքների վրա	(78,038)
Դրամական միջոցները և դրանց համարժեքները տարեսկզբին	-
Դրամական միջոցներ և դրանց համարժեքներ տարեվերջին	2,801,772

9

հազ. ՀՀ դրամ

1. Տեղեկություններ ընկերության մասին

«ԷՆՎԻԴԻԱ Արմենիա» ՍՊԸ-ի (այսուհետ՝ Ընկերություն) 2022թ. դեկտեմբերի 31-ին ավարտված տարվա ֆինանսական հաշվետվությունները հաստատվել են թողարկման համար տնօրենների 2023թ. հունիսի 29-ի որոշման համաձայն: Ընկերությունը սահմանափակ պատասխանատվությամբ ընկերություն է, որը հիմնադրվել է և գտնվում է Հայաստանի Հանրապետությունում: Գրանցման հասցեն է Երևան, Վազգեն Սարգսյան փող., թ.26/1, 7-րդ հարկ, գրասենյակ 709: Ընկերությունը հիմնական գործունեությունը հետազոտությունների և մշակումների, վաճառքի և շուկայավարման ծառայությունների մատուցումն է իր մայր կազմակերպությանը և 100% բաժնետիրոջը՝ NVIDIA International Inc.-ին: Ընկերության այլ փոխկապակցված կողմերի հարաբերությունների մասին տեղեկատվությունը ներկայացված է Ծանոթագրություն 18-ում:

2. Հաշվապահական հաշվառման քաղաքականության նշանակալի դրույթներ

Պատրաստման հիմունքները

Ընկերության ֆինանսական հաշվետվությունները պատրաստվել են Հաշվապահական հաշվառման միջազգային ստանդարտների խորհրդի (ՀՀՄՍԽ) կողմից հրապարակված Ֆինանսական հաշվետվությունների միջազգային ստանդարտների (ՀՀՄՍ) համաձայն: ՀՀՄՍ Ֆինանսական հաշվետվությունները պատրաստվել են սկզբնական արժեքի սկզբունքով, բացառությամբ այն դեպքերի, երբ այլ բան նշված է: Ֆինանսական հաշվետվությունները ներկայացված են հայկական դրամով և բոլոր արժեքները կլորացվում են մինչև մոտակա հազար, բացառությամբ այն դեպքերի, երբ այլ բան նշված չէ: Ընկերությունը պատրաստել է ֆինանսական հաշվետվությունները այն ենթադրության հիման վրա, որ այն կշարունակի գործել անընդհատության հիմունքով:

Ակտիվների և պարտավորությունների ընթացիկ և ոչ ընթացիկ դասակարգում

Ընկերությունը ֆինանսական վիճակի մասին հաշվետվությունում ներկայացնում է ակտիվները և պարտավորությունները՝ ընթացիկ/ոչ ընթացիկ դասակարգման հիման վրա: Ակտիվը ընթացիկ է, երբ այն է՝

- Ակնկալվում է իրացնել կամ նախատեսվում է վաճառել կամ սպառել սովորական գործառնական ցիկլում
- Պահվում է հիմնականում առևտրի նպատակով
- Ակնկալվում է, որ կիրացվի հաշվետու ամսաթվից հետո 12 ամսվա ընթացքում, կամ
- այն իրենից ներկայացնում է դրամական միջոց կամ դրա համարժեք, բացառությամբ եթե ակտիվը չի թույլատրվում փոխանակել կամ պարտավորությունը մարելու նպատակով օգտագործել հաշվետու ժամանակաշրջանից հետո առնվազն 12 ամսվա ընթացքում:

Մնացած բոլոր ակտիվները դասակարգվում են որպես ոչ ընթացիկ:

Պարտավորությունն ընթացիկ է, երբ՝

- Ակնկալվում է, որ կմարվի կազմակերպության սովորական գործառնական ցիկլում
- Պահվում է հիմնականում առևտրի նպատակով
- Այն պետք է մարվի հաշվետու ժամանակաշրջանից հետո տասներկու ամսվա ընթացքում
- Կամ
- Զկա պարտավորության մարումը հաշվետու ժամանակաշրջանից հետո առնվազն տասներկու ամսով հետաձգելու անվերապահ իրավունք:

Պարտավորության պայմանները, որոնք գործընկերոջ հայեցողությամբ կարող են հանգեցնել դրա մարման՝ բաժնային գործիքների թողարկմամբ, չեն ազդում դրա դասակարգման վրա: Ընկերությունը բոլոր մյուս պարտավորությունները դասակարգում է որպես ոչ ընթացիկ: Հետաձգված հարկային ակտիվները և պարտավորությունները դասակարգվում են որպես ոչ ընթացիկ ակտիվներ և պարտավորություններ:

Իրական արժեքի չափում

Իրական արժեքը այն գինն է, որը չափման ամսաթվի դրությամբ կստացվեր ակտիվի վաճառքից կամ կվճարվեր պարտավորության դիմաց, շուկայի մասնակիցների միջև բնականոն գործարքի արդյունքում: Իրական արժեքի չափումը հիմնված է այն ենթադրության վրա, որ ակտիվը վաճառելու կամ պարտավորությունը փոխանցելու գործարքը տեղի է ունենում:

- ակտիվի կամ պարտավորության հիմնական շուկայում, կամ
- Հիմնական շուկայի բացակայության դեպքում ակտիվի կամ պարտավորության համար առավել բարենպաստ շուկայում

Հիմնական կամ առավել բարենպաստ շուկան պետք է հասանելի լինի Ընկերությանը: Ակտիվի կամ պարտավորության իրական արժեքը չափվում է՝ օգտագործելով այն ենթադրությունները, որոնք շուկայի մասնակիցները կօգտագործեին ակտիվի կամ պարտավորության իրական արժեքը որոշելիս՝ ենթադրելով, որ շուկայի մասնակիցները գործում են իրենց տնտեսական լավագույն շահերից ելնելով:

Ոչ ֆինանսական ակտիվի իրական արժեքի չափումը հաշվի է առնում շուկայի մասնակցի՝ տնտեսական օգուտներ ստեղծելու կարողությունը՝ ակտիվի առավել արդյունավետ և լավագույն օգտագործումից կամ այն շուկայի մեկ այլ մասնակցի վաճառելուց, ով ակտիվը կօգտագործեր առավել արդյունավետ և լավագույն կերպով:

Ընկերությունն օգտագործում է գնահատման մեթոդներ, որոնք համապատասխանում են հանգամանքներին, և որոնց վերաբերյալ առկա են բավարար տվյալներ իրական արժեքը չափելու համար՝ առավելագույնս

հազ. ՀՀ դրամ

օգտագործելով համապատասխան դիտարկելի տվյալների օգտագործումը և նվազագույնի հասցնելով չդիտարկվող տվյալների օգտագործումը:

Բոլոր ակտիվներն ու պարտավորությունները, որոնց իրական արժեքը չափվում կամ բացահայտվում է ֆինանսական հաշվետվություններում, դասակարգվում են ըստ ստորև ներկայացված իրական արժեքի հիերարխիայի՝ ելնելով իրական արժեքի չափման համար էական ամենացածր մակարդակի ելակետային տվյալներից՝

- 1-ին մակարդակ – համանման ակտիվների կամ պարտավորությունների համար ակտիվ շուկայում գնանշված գներ (չճշգրտված),
- 2-րդ մակարդակ – գնահատման մոդելներ, որոնցում բոլոր նշանակալի ելակետային տվյալներն ուղղակիորեն կամ անուղղակիորեն դիտարկելի են շուկայական տվյալներից,
- 3-րդ մակարդակ – գնահատման մոդելներ, որտեղ իրական արժեքի չափման համար էական նշանակություն ունեցող ամենացածր մակարդակի ելակետային տվյալները շուկայում դիտարկելի չեն:

Այն ակտիվների և պարտավորությունների համար, որոնք պարբերաբար ճանաչվում են ֆինանսական հաշվետվություններում, Ընկերությունը դիտարկում է հիերարխիայի մակարդակների փոփոխության անհրաժեշտությունը՝ նորից վերլուծելով դրանց դասակարգումը (եկելով իրական արժեքի չափման համար էական ամենացածր մակարդակի ելակետային տվյալներից) յուրաքանչյուր հաշվետու ժամանակաշրջանի վերջում: Արտաքին գնահատողները ներգրավված են նշանակալի ակտիվների, մասնավորապես, ներդրումային գույքի և չգնանշված ֆինանսական ակտիվների, և նշանակալի պարտավորությունների, ինչպես՝ օրինակ, պայմանական հատուցումները, գնահատման համար: Արտաքին գնահատողների ներգրավումը որոշվում է ղեկավարության կողմից՝ տարեկան պարբերականությամբ: Ընտրությունը կատարվում է՝ հիմնվելով այնպիսի չափանիշների վրա, ինչպիսիք են շուկայի մասին տեղեկացվածությունը, վարկանիշը, անկախությունը և մասնագիտական ստանդարտների պահպանումը:

Յուրաքանչյուր հաշվետու ամսաթվին ղեկավարությունը վերլուծում է այն ակտիվների և պարտավորությունների արժեքների փոփոխությունները, որոնք ենթակա են վերագնահատման Ընկերության հաշվապահական հաշվառման քաղաքականության համաձայն: Այս վերլուծությունների համար ճշտվում են հիմնական տվյալները, որոնք կիրառվել են նախորդ գնահատման ժամանակ՝ համադրելով գնահատման հաշվարկի տեղեկատվությունը պայմանագրերի և այլ համապատասխան փաստաթղթերի հետ: Ղեկավարությունը նաև համեմատում է ակտիվի և պարտավորության իրական արժեքի փոփոխությունը յուրաքանչյուր համապատասխան արտաքին աղբյուրների հետ՝ որոշելով համար տվյալ փոփոխության հիմնավորված լինելը: Ղեկավարությունը գնահատման արդյունքները ներկայացնում է Ընկերության անկախ աուդիտորներին տարեկան պարբերականությամբ: Սա ներառում է գնահատումների ժամանակ օգտագործվող հիմնական ենթադրությունների քննարկում:

Իրական արժեքի բացահայտման նպատակով Ընկերությունը որոշել է ակտիվների և պարտավորությունների դասեր՝ հիմնվելով ակտիվի կամ պարտավորության բնույթի, բնութագրերի և ռիսկերի և իրական արժեքի հիերարխիայի մակարդակի վրա, ինչպես նկարագրված է վերևում:

Իրական արժեքի հետ կապված բացահայտումները ֆինանսական գործիքների և ոչ ֆինանսական ակտիվների համար, որոնք չափվում են իրական արժեքով, ներառում են.

- Գնահատման մեթոդների, նշանակալի գնահատումների և ենթադրությունների բացահայտումներ
- Իրական արժեքի չափման հիերարխիայի քանակական բացահայտումներ
- Ներդրումներ չցուցակված բաժնետոմսերում (ընդհատված գործառնություններ)
- Ներդրումային գույք
- Ֆինանսական գործիքներ (ներառյալ ամորտիզացված արժեքով հաշվառվող)
- Պայմանական հատուցում

Հաճախորդների հետ պայմանագրերից հասույթ

Հաճախորդների հետ պայմանագրերից հասույթը ճանաչվում է, երբ ապրանքների կամ ծառայությունների նկատմամբ վերահսկողությունը փոխանցվում է հաճախորդին այնպիսի գումարի դիմաց, որն արտացոլում է այդ ապրանքների կամ ծառայությունների դիմաց Ընկերության կողմից ակնկալվող հատուցումը: Ընկերությունը, ընդհանուր առմամբ, եկել է այն եզրակացության, որ իր հասույթին առնչվող պայմանավորվածություններում հիմնական կողմ է հանդիսանում Ընկերությունը, քանի որ սովորաբար ինքն է վերահսկում ապրանքները կամ ծառայությունները նախքան դրանք հաճախորդին փոխանցելը:

Ընկերությունն իր հաշվապահական հաշվառման քաղաքականության մեջ ներառել է այն դատողությունները, որոնք էական ազդեցություն ունեն հաճախորդների հետ պայմանագրերից իր հասույթի չափի և ժամկետների որոշման վրա:

Հետազոտության և զարգացման ծառայությունների մատուցում

Ընկերությունը հիմնական գործունեությունը՝ հետազոտությունների և մշակումների, վաճառքի և շուկայավարման ծառայությունների մատուցումն է իր միակ հաճախորդին՝ NVIDIA International Inc ընկերությանը, որը նաև Ընկերության մայր կազմակերպությունն է: Ծառայությունների վճարումը կատարվում է ամսական կտրվածքով՝ օգտագործելով «ծախս գումարած» մեթոդը:

հազ. ՀՀ դրամ*Պայմանագրային ակտիվներ*

Պայմանագրային ակտիվը հաճախորդին փոխանցված ապրանքների կամ ծառայությունների դիմաց հատուցման իրավունքն է: Եթե Ընկերության կողմից կատարումը ենթադրում է ապրանքների կամ ծառայությունների փոխանցում հաճախորդին՝ մինչև հաճախորդի կողմից հատուցման վճարումը կամ մինչև վճարման ժամկետի լրանալը, պայմանագրային ակտիվը ճանաչվում է պայմանական վաստակած հատուցման դիմաց:

Առևտրային դեբիտորական պարտքեր

Դեբիտորական պարտքը ներկայացնում է Ընկերության իրավունքը ոչ պայմանական հատուցման չափի նկատմամբ (այսինքն՝ մինչև հատուցման վճարման ժամկետը պահանջվում է միայն ժամանակ):

Պայմանագրային պարտավորություններ

Պայմանագրային պարտավորությունը հաճախորդին ապրանքները կամ ծառայությունները փոխանցելու պարտավորությունն է, որի համար Ընկերությունը հաճախորդից ստացել է հատուցում (կամ հատուցման գումարը ենթակա է վճարման որոշակի ժամկետում): Եթե հաճախորդը հատուցումը վճարում է նախքան Ընկերության կողմից հաճախորդին ապրանքներ կամ ծառայություններ փոխանցումը, ապա պայմանագրային պարտավորությունը ճանաչվում է վճարումը կատարելիս կամ վճարման ժամկետի ավարտին (որն ավելի վաղ է): Պայմանագրային պարտավորությունները ճանաչվում են որպես հասույթ, երբ Ընկերությունը կատարում է պայմանագրով նախատեսված պարտավորությունները:

Կատարողական պարտավորություններ

Ընկերությունը դիտարկում է, թե արդյոք պայմանագրում կան այլ հանձնառություններ, որոնք իրենցից ներկայացնում են առանձին կատարողական պարտավորություններ են, որոնց պետք է հատկացվի գործարքի գնի մի մասը (օրինակ՝ երաշխիքներ, հետսպասարկման աջակցություն և այլն): Մատուցվող ծառայությունների համար գործարքի գինը որոշելիս Ընկերությունը հաշվի է առնում փոփոխական հատուցման, նշանակալի ֆինանսական բաղադրիչի առկայության, անկանխիկ հատուցման և հաճախորդին վճարման ենթակա հատուցման ազդեցությունը (եթե այդպիսիք կան):

(i) Փոփոխական հատուցում

Եթե պայմանագրով նախատեսված հատուցումը ներառում է փոփոխական գումար, ապա Ընկերությունը գնահատում է այն հատուցման գումարը, որի հանդեպ Ընկերությունը իրավունք կստանա ապրանքը հաճախորդին փոխանցելու դիմաց: Փոփոխական հատուցումը գնահատվում է պայմանագրի սկզբում և սահմանափակվում այնքան ժամանակ, քանի դեռ փոփոխական հատուցման հետ կապված անորոշությունը հետագայում լուծվելու պարագայում կուտակային հասույթի ճանաչված չափով եկամտի զգալի հակադարձում տեղի չունենալու հավանականությունը գնահատվում է բարձր:

(ii) Ֆինանսավորման Էական բաղադրիչ

Ընկերությունը հաճախորդներից կանխավճարներ է ստանում հետագոտության և զարգացման ծառայությունների մատուցման համար: Եթե վճարումը ստացվել է կատարողական պարտավորությունների կատարումից ավելի քան 1 տարի առաջ, ապա այս պայմանագրերի համար կա զգալի ֆինանսավորման բաղադրիչ՝ հաշվի առնելով հաճախորդների վճարման և ծառայությունների մատուցման միջև ընկած ժամանակահատվածը, ինչպես նաև շուկայում գերակշռող տոկոսադրույքը: Որպես այդպիսին, այս պայմանագրերի համար գործարքի գինը գեղչվում է՝ օգտագործելով պայմանագրում նշված տոկոսադրույքը (այսինքն՝ տոկոսադրույքը, որը գեղչվում է ծառայությունների կանխիկ շուկայական գինը մինչև նախապես վճարված գումարը): Այս դրույքաչափը համարժեք է այն դրույքին, որը կարտացոլվի պայմանագրի սկզբում Ընկերության և հաճախորդի միջև ֆինանսավորման առանձին գործարքում:

Ընկերությունը կիրառում է գործնական նպատակահարմարությունը հաճախորդներից ստացված կարճաժամկետ կանխավճարների համար: Այսինքն՝ հատուցման խոստացված գումարը չի ճշգրտվում Էական ֆինանսավորման բաղադրիչի հետևանքներն արտացոլելու համար, եթե խոստացված ապրանքի կամ ծառայության փոխանցման և վճարման միջև ընկած ժամանակահատվածը մեկ տարի է կամ ավելի քիչ:

Հարկեր*Ընթացիկ հարկային պարտավորություն*

Ընթացիկ հարկային ակտիվները և պարտավորությունները չափվում են այն գումարով, որն ակնկալվում է վերականգնել հարկային մարմիններից կամ վճարել վերջիններիս: Գումարը հաշվարկելու համար օգտագործվող հարկային դրույքաչափերը և հարկային օրենքները Ընկերության գործունեության իրականացման և հարկվող եկամուտի գոյացման երկրում հաշվետու ամսաթվի դրությամբ գործող, կամ ըստ Էության գործող դրույքաչափերը և օրենքներն են: Ընթացիկ շահութահարկը, որը վերաբերում է ուղղակիորեն սեփական կապիտալում ճանաչված հոդվածներին, ճանաչվում է սեփական կապիտալում, այլ ոչ թե շահույթի կամ վնասի մասին հաշվետվությունում: Ղեկավարությունը պարբերաբար գնահատում է հարկային հաշվետվություններում ներկայացրած դիրքերը՝ այնպիսի իրավիճակների տեսանկյունից, որոնք կիրառելի հարկային կանոնակարգերով ենթակա են տարաբնույթ մեկնաբանման, և անհրաժեշտության դեպքում սահմանում է պահուստներ:

Հետաձգված հարկ

Հետաձգված հարկը ներկայացվում է հաշվետու ամսաթվի դրությամբ ակտիվների և պարտավորությունների հարկային բազաների և ֆինանսական հաշվետվության նպատակով դրանց հաշվեկշռային արժեքների միջև ժամանակավոր տարբերությունների գծով՝ պարտավորության մեթոդի կիրառմամբ:

հազ. ՀՀ դրամ

Հետաձգված հարկային պարտավորությունները ճանաչվում են բոլոր հարկվող ժամանակավոր տարբերությունների գծով, բացառությամբ հետևյալ դեպքերի.

- Երբ հետաձգված հարկային պարտավորությունն առաջանում է գույքի կամ ակտիվի կամ պարտավորության սկզբնական ճանաչումից մի գործարքում, որը ձեռնարկատիրական գործունեության միավորում չէ և գործարքի պահին չի ազդում հաշվապահական շահույթի, կամ՝ հարկվող շահույթի կամ վնասի վրա:
- Դուստր ձեռնարկություններում, ասոցիացված կազմակերպություններում ներդրումների և համատեղ ձեռնարկումներում բաժնեմասնակցության գծով հարկվող ժամանակավոր տարբերությունների առնչությամբ, երբ ժամանակավոր տարբերությունների հակադարձման ժամկետները կարող են վերահսկվել, և հավանական է, որ ժամանակավոր տարբերությունները չեն հակադարձվի տեսանելի ապագայում:

Հետաձգված հարկային ակտիվները ճանաչվում են բոլոր նվազեցվող ժամանակավոր տարբերությունների, չօգտագործված հարկային գերավճարների՝ հաջորդ ժամանակաշրջաններ փոխանցման և ցանկացած չօգտագործված հարկային կորուստների համար: Հետաձգված հարկային ակտիվները ճանաչվում են այն չափով, որքանով հավանական է, որ հասանելի կլինի հարկվող շահույթ, որի դիմաց կարող են օգտագործվել նվազեցվող ժամանակավոր տարբերությունները և չօգտագործված հարկային գերավճարների և չօգտագործված հարկային վնասների՝ հաջորդ ժամանակաշրջաններ փոխանցումը, բացառությամբ.

- Երբ նվազեցվող ժամանակավոր տարբերությանը վերաբերող հետաձգված հարկային ակտիվը առաջանում է ակտիվի կամ պարտավորության սկզբնական ճանաչումից մի գործարքում, որը ձեռնարկատիրական գործունեության միավորում չէ և գործարքի պահին չի ազդում հաշվապահական շահույթի, կամ՝ հարկվող շահույթի կամ վնասի վրա:
- Դուստր ձեռնարկություններում, ասոցացված կազմակերպություններում ներդրումների և համատեղ ձեռնարկումներում բաժնեմասնակցության գծով նվազեցվող ժամանակավոր տարբերությունների առնչությամբ, հետաձգված հարկային ակտիվները ճանաչվում են միայն այն չափով, որքանով հավանական է, որ ժամանակավոր տարբերությունները կհակադարձվեն տեսանելի ապագայում և հասանելի կլինի հարկվող շահույթ, որի նկատմամբ կարող են օգտագործվել ժամանակավոր տարբերությունները:

Հետաձգված հարկային ակտիվների հաշվեկշռային արժեքը վերանայվում է յուրաքանչյուր հաշվետու ամսաթվին և նվազեցվում է այն չափով, որքանով այլևս հավանական չէ, որ հասանելի կլինի բավարար հարկվող շահույթ՝ հետաձգված հարկային ակտիվն ամբողջությամբ կամ մասամբ օգտագործելու համար: Գնահատված հետաձգված հարկային ակտիվները վերագնահատվում են յուրաքանչյուր հաշվետու ամսաթվին և ճանաչվում այն չափով, որքանով հավանական է դառնում, որ ապագա հարկվող շահույթը թույլ կտա փոխհատուցել հետաձգված հարկային ակտիվը:

Հետաձգված հարկային ակտիվների վերականգնման հավանականությունը գնահատելիս Ընկերությունը հենվում է նույն կանխատեսման ենթադրությունների վրա, որոնք օգտագործվում են ֆինանսական հաշվետվություններում և այլ կառավարչական հաշվետվություններում, որոնք, մասնավորապես, արտացոլում են զարգացման հնարավոր ազդեցությունը բիզնեսի վրա, ինչպիսիք են արտադրության ծախսերի ավելացումը՝ աշխատավարձերի բարձրացման արդյունքում:

Հետաձգված ակտիվները և պարտավորությունները չափվում են՝ կիրառելով այն հարկային դրույքները, որոնք ակնկալվում է կիրառել այն տարում, երբ ակտիվն իրացվում է կամ պարտավորությունը մարվում է, հիմք ընդունելով հարկային դրույքաչափերը և հարկային օրենքները, որոնք ուժի մեջ են կամ ըստ էության ուժի մեջ են հաշվեկշռի ամսաթվի դրությամբ:

Շահույթից կամ վնասից դուրս ճանաչված հողվածների հետ կապված հետաձգված հարկը ճանաչվում է շահույթից կամ վնասից դուրս: Հետաձգված հարկային հողվածները ճանաչվում են հիմքում ընկած գործարքի հետ հարաբերակցությամբ՝ այլ համապարփակ ֆինանսական արդյունքում կամ ուղղակիորեն սեփական կապիտալում:

Ավելացված արժեքի հարկ (ԱԱՀ)

Ծախսերը և ակտիվները ճանաչվում են առանց ԱԱՀ-ի, բացառությամբ այն դեպքերի, երբ ակտիվների կամ ծառայությունների գնման ժամանակ առաջացած ԱԱՀ-ն չի փոխհատուցվում հարկային մարմնի կողմից, որի դեպքում ԱԱՀ-ն ճանաչվում է որպես ակտիվի կամ ծառայությունների ձեռքբերման արժեքի մաս:

Արտարժույթ

Ընկերության ֆինանսական հաշվետվությունները ներկայացված են հայկական դրամով, որը Ընկերության գործառնական արժույթն է: Ֆինանսական հաշվետվությունները կազմվելիս գործառնական արժույթից տարբեր արժույթներով գործարքները հաշվառվում են գործարքների ամսաթվերի համար ՀՀ Կենտրոնական բանկի կողմից սահմանված փոխարժեքներով: Յուրաքանչյուր հաշվետու ամսաթվի դրությամբ արտարժույթով արտահայտված դրամական հողվածները փոխարկվում են հաշվետու ամսաթվի դրությամբ ՀՀ Կենտրոնական բանկի կողմից սահմանված փոխարժեքներով:

Ոչ դրամական հողվածները չեն փոխարկվում և չափվում են սկզբնական արժեքով (փոխարկված գործարքի ամսաթվի փոխարժեքներով), բացառությամբ արտարժույթով արտահայտված՝ իրական արժեքով չափվող ոչ դրամական հողվածների, որոնք փոխարկվում են իրական արժեքը որոշելու ամսաթվի դրությամբ գործող փոխարժեքներով:

հազ. 33 դրամ

Դրամական հոդվածների հաշվարկի և փոխարկման արդյունքում առաջացող փոխարժեքային տարբերությունները ներառվում են տվյալ ժամանակաշրջանի շահույթում կամ վնասում: Իրական արժեքով հաշվառվող ոչ դրամական հոդվածների փոխարկումից առաջացող փոխարժեքային տարբերությունները ներառվում են ժամանակաշրջանի շահույթում կամ վնասում, բացառությամբ ոչ դրամական հոդվածների փոխարկումից առաջացող տարբերությունների, որոնց գծով օգուտներն ու վնասները ճանաչվում են ուղղակիորեն սեփական կապիտալում: Նման ոչ դրամական հոդվածների համար այդ օգուտի կամ վնասի փոխարկմանը վերագրելի ցանկացած բաղադրիչ նույնպես ճանաչվում է ուղղակիորեն սեփական կապիտալում:

Վաճառքի համար պահվող ոչ ընթացիկ ակտիվներ և ընդհատված գործառնություններ

Ընկերությունը դասակարգում է ոչ ընթացիկ ակտիվները և օտարման խմբերը որպես վաճառքի համար պահվող, եթե դրանց հաշվեկշռային արժեքը կվերականգնվի հիմնականում վաճառքի գործարքի, այլ ոչ թե շարունակական օգտագործման միջոցով: Ոչ ընթացիկ ակտիվները և օտարման խմբերը, որոնք դասակարգված են որպես վաճառքի համար պահվող, չափվում են հետևյալ մեծություններից նվազագույնով՝ հաշվեկշռային արժեք և իրական արժեք՝ հանած վաճառքի ծախսումները: Վաճառքի ծախսումները ակտիվի (օտարման խմբի) օտարմանը անմիջականորեն վերագրվող լրացուցիչ ծախսերն են՝ առանց ֆինանսական ծախսերի և շահութահարկի գծով ծախսի:

Որպես վաճառքի համար պահվող դասակարգման չափանիշները համարվում են բավարարված միայն այն դեպքում, երբ վաճառքը շատ հավանական է, և ակտիվը կամ օտարման խումբը հասանելի է անմիջապես վաճառքի համար՝ իր ներկա վիճակում: Վաճառքի վերջնականացման համար անհրաժեշտ գործողությունները պետք է վկայեն այն մասին, որ քիչ հավանական է, որ վաճառքում էական փոփոխություններ կատարվեն կամ վաճառքի որոշումը չեղարկվի: Ղեկավարությունը պետք է հետամուտ լինի ակտիվը վաճառելու իր մտադրությանը և վաճառքը ակնկալվում է ավարտել դասակարգման օրվանից մեկ տարվա ընթացքում:

Հիմնական միջոցները և ոչ նյութական ակտիվների մաշվածություն կամ ամորտիզացիա չի հաշվարկվում՝ որպես վաճառքի համար պահվող դասակարգվելուց հետո: Որպես վաճառքի համար պահվող դասակարգված ակտիվները և պարտավորությունները ֆինանսական վիճակի մասին հաշվետվությունում առանձին ներկայացված են որպես ընթացիկ ակտիվներ և պարտավորություններ: Ընդհատված գործառնությունները չեն ներառվում շարունակական գործառնությունների արդյունքներում, և շահույթի կամ վնասի մասին հաշվետվությունում ներկայացվում են մեկ գումարով՝ որպես ընդհատված գործունեության արդյունքում շահույթ կամ վնաս հարկումից հետո:

Շահութաբաժիններ

Ընկերությունը ճանաչում է շահութաբաժինների վճարման պարտավորություն, երբ բաշխումը հաստատված է, և բաշխումն այլևս Ընկերության հայեցողությամբ չէ: Համապատասխան գումարը ճանաչվում է ուղղակիորեն սեփական կապիտալում:

Հիմնական միջոցներ

Անավարտ շինարարությունը հաշվառվում է սկզբնական արժեքով՝ առանց կուտակված արժեզրկումից կորուստների, եթե այդպիսիք կան: Հիմնական միջոցները հաշվառվում են սկզբնական արժեքով՝ առանց կուտակված մաշվածության և կուտակված արժեզրկումից կորուստների, եթե այդպիսիք կան: Նման արժեքը ներառում է հիմնական միջոցների մի մասի փոխարինման և երկարաժամկետ շինարարական նախագծերի գծով փոխառության ծախսերը, եթե ճանաչման չափանիշները բավարարված են: Եթե հիմնական միջոցների էական հիմնամասեր պարբերաբար փոխարինվում են, Ընկերությունը դրանց համար ճանաչում է առանձին մաշվածություն՝ ըստ այդ հիմնամասերի առանձին օգտակար ծառայության ժամկետներից: Նմանապես, երբ խոշոր ստուգում է իրականացվում, դրա արժեքը ճանաչվում է հիմնական միջոցների հաշվեկշռային արժեքում որպես փոխարինում, եթե ճանաչման չափանիշները բավարարված են: Բոլոր այլ վերանորոգման և պահպանման ծախսումները ճանաչվում են շահույթում կամ վնասում, երբ դրանք տեղի են ունեցել: Ակտիվի շահագործումից հետո այն շահագործումից հանելու համար ակնկալվող ծախսերի ներկա արժեքը ներառվում է համապատասխան ակտիվի սկզբնական արժեքում, եթե բավարարված են պահուստի ճանաչման չափանիշները:

Մաշվածությունը հաշվարկվում է գծային հիմունքով՝ ակտիվների գնահատված օգտակար ծառայության ընթացքում՝ հետևյալ կերպ.

- Համակարգչային սարքավորումներ 1-ից 3 տարի
- Կահույք և կցամասեր 5-ից 8 տարի

Ընկերությունը վերանայում է ակտիվների գնահատված մնացորդային արժեքները և ակնկալվող օգտակար ժամկետները առնվազն տարին մեկ անգամ:

Հիմնական միջոցների միավորը և սկզբնապես ճանաչված ցանկացած էական բաղադրիչ մաս ապաճանաչվում է օտարման ժամանակ (այսինքն՝ ստացողի կողմից վերահսկողությունը ձեռք բերելու ամսաթվին), կամ երբ դրա օգտագործումից կամ օտարումից ապագա տնտեսական օգուտներ չեն ակնկալվում: Ակտիվի ապաճանաչումից առաջացող ցանկացած օգուտ կամ վնաս (հաշվարկվում է որպես օտարումից զուտ հասույթի և ակտիվի

հազ. ՀՀ դրամ

հաշվեկշռային արժեքի տարբերություն) ներառվում է շահույթի կամ վնասի մասին հաշվետվությունում, երբ ակտիվը ապաճանաչվում է:

Հիմնական միջոցների մնացորդային արժեքները, օգտակար ծառայության ժամկետները և մաշվածության մեթոդները վերանայվում են յուրաքանչյուր ֆինանսական տարվա վերջում և, անհրաժեշտության դեպքում, կատարվում է հետագա ժամանակաշրջանների համար ճշգրտում:

Վարձակալություն

Ընկերությունը պայմանագրի սկզբում գնահատում է՝ արդյոք պայմանագիրը իրենից ներկայացնում է վարձակալություն կամ պարունակում է այդպիսի տարր: Այսինքն՝ երբ պայմանագրով որոշակիացված ակտիվի օգտագործման վերահսկողության իրավունքը փոխանցվում է որոշակի ժամանակահատվածով, հատուցման դիմաց:

Ընկերությունը որպես վարձակալ

Ընկերությունը կիրառել է ճանաչման և չափման միասնական մոտեցում բոլոր վարձակալությունների համար, բացառությամբ կարճաժամկետ վարձակալությունների և փոքրարժեք ակտիվների վարձակալությունների: Ընկերությունը ճանաչում է վարձակալության գծով պարտավորություններ՝ վարձակալության գծով վճարումներ կատարելու համար և օգտագործման իրավունքի ձևով ակտիվներ, որոնք ներկայացնում են պայմանագրի հիմքում ընկած ակտիվները օգտագործելու իրավունքը:

i) Օգտագործման իրավունքի ձևով ակտիվներ.

Ընկերությունը ճանաչում է օգտագործման իրավունքով ակտիվները վարձակալության մեկնարկի ամսաթվին (այսինքն՝ հիմքում ընկած ակտիվի օգտագործման համար հասանելի լինելու ամսաթվին): Օգտագործման իրավունքի ձևով ակտիվները չափվում են սկզբնական արժեքով՝ հանած կուտակված մաշվածությունը և արժեզրկումից կուտակված կորուստները, և ճշգրտված վարձակալության գծով պարտավորության ցանկացած վերաչափմամբ: Օգտագործման իրավունքի ձևով ակտիվների սկզբնական արժեքը ներառում է ճանաչված վարձակալության գծով պարտավորությունների գումարը, սկզբնավորման ցանկացած ուղղակի ծախսումներ, վարձակալության մեկնարկի ամսաթվին կամ դրանից առաջ կատարված վարձավճարները՝ հանած ստացված ցանկացած վարձակալության խրախուսումներ: Օգտագործման իրավունքի ձևով ակտիվների մաշվածությունը հաշվարկվում է գծային սկզբունքով՝ հետևյալ ժամկետներից առավել կարճ ժամկետում՝ վարձակալության ժամկետ կամ ակտիվների գնահատված օգտակար ծառայության ժամկետ: Եթե վարձակալված ակտիվի սեփականությունը փոխանցվում է Ընկերությանը վարձակալության ժամկետի վերջում կամ արժեքը արտացոլում է գնման օպցիոնի իրացումը, մաշվածությունը հաշվարկվում է՝ օգտագործելով ակտիվի գնահատված օգտակար ծառայության ժամկետը:

Օգտագործման իրավունքով ակտիվները նույնպես ենթակա են արժեզրկման:

ii) Վարձակալության գծով պարտավորություններ

Վարձակալության մեկնարկի ամսաթվի դրությամբ Ընկերությունը ճանաչում է վարձակալության գծով պարտավորությունը վարձակալության ժամկետի ընթացքում վճարման ենթակա վարձավճարների ներկա արժեքով: Խանգեցնող դեպքը կամ իրավիճակը՝ վարձավճարները պարունակում են հաստատուն վճարումները (ներառյալ՝ ըստ Էուրոյան հաստատուն վճարումներ)՝ հանած վարձակալության ցանկացած ստացվելից խրախուսումը, վարձակալության փոփոխում վճարումներ, որոնք կախված են ինդեքսից կամ դրույքից, գումարները, որոնք սպասվում է, որ կվճարվեն վարձակալի կողմից՝ մնացորդային արժեքի երաշխիքի ներքո: Վարձավճարները ներառում են նաև գնման օպցիոնի իրագործման գին, երբ Ընկերությունը խելամուտորեն համոզված է, որ կիրառործի այդ օպցիոնը, և վարձակալությունը դադարեցնելու հետ կապված տուգանքների վճարումներ, եթե վարձակալության ժամկետն արտացոլում է Ընկերության՝ վարձակալությունը դադարեցնելու օպցիոնի իրագործումը:

Վարձակալության փոփոխական վճարումները, որոնք կախված չեն ինդեքսից կամ դրույքաչափից, ճանաչվում են որպես ծախս (բացառությամբ այն դեպքերի, երբ դրանք կատարվում են պաշարներ ստեղծելու համար) այն ժամանակաշրջանում, երբ տեղի է ունենում վճարում առաջացնող իրադարձությունը կամ պայմանը:

Վարձակալության վճարների ներկա արժեքը հաշվարկելիս Ընկերությունն օգտագործում է՝ սկզբնական կիրառման ամսաթվին լրացուցիչ փոխառության տոկոսադրույքը, եթե վարձակալությամբ ենթադրվող տոկոսադրույքը հնարավոր չէ հեշտությամբ որոշել: Մեկնարկի ամսաթվից հետո վարձակալության գծով պարտավորության գումարը ավելացվում է՝ վարձակալության գծով պարտավորության տոկոսը արտացոլելու համար, և նվազեցվում է՝ կատարված վարձավճարները արտացոլելու համար: Ի յուրմե, վարձակալության պարտավորությունների հաշվեկշռային արժեքը վերագնահատվում է, եթե տեղի է ունեցել փոփոխություն, վարձակալության ժամկետի փոփոխություն, վարձակալության վճարների փոփոխություն (օրինակ՝ ապագա վճարումների փոփոխություններ, որոնք առաջանում են այդ վարձակալության վճարումները որոշելու համար օգտագործվող ինդեքսի կամ դրույքաչափի փոփոխության արդյունքում) կամ հիմքում ընկած ակտիվի գնման օպցիոնի գնահատման փոփոխություն:

Ընկերության վարձակալական պարտավորությունները ներառված են Տոկոսակիր վարկերի և փոխառությունների մեջ:

Վարձակալության փոփոխություններ

Վարձակալության փոփոխությունը վարձակալության շրջանակի կամ վարձակալության փոխհատուցման փոփոխություն է, որը սկզբնապես չի հանդիսացել վարձակալության սկզբնական պայմանների և պայմանների

հազ. ՀՀ դրամ

մաս (օրինակ, մեկ կամ մի քանի հիմքում ընկած ակտիվների օգտագործման իրավունքի ավելացում կամ դադարեցում, կամ պայմանագրային վարձակալության ժամկետի երկարաձգում կամ կրճատում): Եթե վարձակալությունը փոփոխվում է, փոփոխված պայմանագիրը գնահատվում է՝ որոշելու, թե արդյոք այն իրենից ներկայացնում է վարձակալություն կամ պարունակում է վարձակալության տարր: Եթե վարձակալությունը շարունակում է գոյություն ունենալ, վարձակալության փոփոխությունը կարող է հանգեցնել.

- առանձին վարձակալության, կամ
 - գոյություն ունեցող վարձակալության հաշվառման փոփոխություն
- Ընկերությունը վարձակալության փոփոխությունը հաշվառում է որպես առանձին վարձակալություն, երբ առկա են հետևյալ երկու պայմանները.
- փոփոխության արդյունքում ընդլայնվում է վարձակալության շրջանակը՝ ավելի մեծ թվով հիմքում ընկած ակտիվների օգտագործման իրավունքի ավելացման արդյունքում, և
 - վարձակալության հատուցումը աճում է այն գումարի չափով, որը համադրելի է շրջանակի ընդլայնման առանձին վերցրած գնի հետ, և այդ գնի համապատասխան ճշգրտումների հետ, որոնք արտացոլում են տվյալ պայմանագրի հանգամանքները:

Եթե այս երկու պայմաններն էլ բավարարված են, վարձակալության փոփոխությունը հանգեցնում է երկու առանձին վարձակալության՝ չփոփոխված սկզբնական վարձակալության և առանձին նոր վարձակալության: Ընկերությունը հաշվառում է վարձակալություն պարունակող առանձին պայմանագիր այնպես, ինչպես մյուս նոր վարձակալությունները: Եթե պայմաններից որևէ մեկը չի բավարարվում, փոփոխված վարձակալությունը չի հաշվառվում որպես առանձին վարձակալություն:

Որպես առանձին վարձակալություն չհաշվառված վարձակալության փոփոխության համար, Ընկերությունը վարձակալության փոփոխության ուժի մեջ մտնելու օրվանից.

- բաշխում է փոփոխված պայմանագրով նախատեսված հատուցումը.
- որոշում է փոփոխված վարձակալության վարձակալության ժամկետը. և
- վերագնահատում է վարձակալության պարտավորությունը՝ գեղչելով վերանայված վարձակալության վճարները՝ օգտագործելով վերանայված գեղչային դրույքաչափը:

Վերանայված գեղչման տոկոսադրույքը որոշվում է որպես վարձակալության գծով ենթադրվող տոկոսադրույք՝ վարձակալության մնացած ժամկետի համար, եթե այդ տոկոսադրույքը կարող է հեշտությամբ որոշվել, կամ վարձակալի փոխառության աճողական տոկոսադրույք՝ փոփոխման ուժի մեջ մտնելու ամսաթվի դրությամբ, եթե վարձակալության ենթադրվող տոկոսադրույքը հնարավոր չէ հեշտությամբ որոշել:

Վարձակալության փոփոխության համար, որը չի հաշվառվում որպես առանձին վարձակալություն, Ընկերությունը հաշվառում է վարձակալության պարտավորության վերագնահատումը հետևյալ կերպ.

- օգտագործման իրավունքի ձևով ակտիվի հաշվեկշռային արժեքի նվազեցում՝ արտացոլելու վարձակալության մասնակի կամ լրիվ դադարեցում վարձակալության այնպիսի փոփոխությունների համար, որոնք նվազեցնում են վարձակալության շրջանակը: Ընկերությունը շահույթում կամ վնասում ճանաչում է վարձակալության մասնակի կամ լրիվ դադարեցման հետ կապված ցանկացած շահույթ կամ վնաս. կամ
- Վարձակալության մյուս բոլոր փոփոխությունների դեպքում օգտագործման իրավունքի ձևով ակտիվի համապատասխան ճշգրտում:

iii) կարճաժամկետ վարձակալություն և ցածրարժեք ակտիվների վարձակալություն

Ընկերությունը կիրառում է կարճաժամկետ վարձակալությունների ճանաչման բացառությունը գրասենյակային սարքավորումների իր կարճաժամկետ վարձակալության համար (այն վարձակալությունները, որոնց վարձակալության ժամկետը մեկնարկի ամսաթվի դրությամբ 12 ամիս է կամ դրանից պակաս, և չեն պարունակում գնման օպցիոն): Ընկերությունը կիրառում է նաև ցածրարժեք ակտիվների վարձակալության ճանաչման բացառությունը այն ակտիվների վրա, որոնք համարվում են ցածրարժեք: Կարճաժամկետ վարձակալությունների և ցածրարժեք ակտիվների վարձակալությունների գծով վարձավճարները ճանաչվում են որպես ծախս՝ գծային հիմունքով վարձակալության ժամկետի ընթացքում:

Ընկերությունը որպես վարձատու

Վարձակալությունները, որոնց դեպքում Ընկերությունը չի փոխանցում ակտիվի սեփականության հետ կապված, ըստ էության, բոլոր ռիսկերն ու հատույցները, դասակարգվում են որպես գործառնական վարձակալություն: Վարձակալական եկամուտը ճանաչվում է գծային հիմունքով վարձակալության ժամկետի ընթացքում և ներառվում է այլ եկամտի կազմում ֆինանսական արդյունքի մասին համախմբված հաշվետվությունում, քանի որ գործառնական բնույթի է: Գործառնական վարձակալության բանակցությունների և պայմանավորվածությունների գծով կրած սկզբնավորման ուղղակի ծախսումները ավելացվում են տրամադրված ակտիվի հաշվեկշռային արժեքին և ճանաչվում են որպես ծախս վարձակալության ժամկետի ընթացքում նույն հիմունքով, որը կիրառվում է վարձակալական եկամուտը ճանաչելիս:

Պայմանական վարձավճարները ճանաչվում են որպես եկամուտ այն ժամանակահատվածի ընթացքում, որում դրանք ստացվում են:

Փոխառության ծախսումներ

Փոխառության ծախսումները, որոնք ուղղակիորեն վերագրվում են ակտիվի ձեռքբերմանը, կառուցմանը կամ արտադրությանը, որի նպատակային օգտագործմանը կամ վաճառքի նախապատրաստման համար անհրաժեշտ է զգալի ժամանակահատված, կապիտալացվում են որպես ակտիվի ինքնարժեքի մաս:

հազ. ՀՀ դրամ

Փոխառության բոլոր այլ ծախսումները ծախսվում են այն ժամանակաշրջանում, երբ դրանք տեղի են ունենում: Փոխառության ծախսումները ներառում են տոկոսները և այլ ծախսերը, որոնք կազմակերպությունը կրում է կապված փոխառու միջոցների հետ:

Ոչ նյութական ակտիվներ

Առանձին ձեռք բերված ոչ նյութական ակտիվները սկզբնապես ճանաչվում են ձեռքբերման արժեքով: Ձեռնարկատիրական միավորման արդյունքում ձեռքբերված ոչ նյութական ակտիվների արժեքը ձեռքբերման ամսաթվի դրությամբ դրանց իրական արժեքն է: Սկզբնական ճանաչումից հետո ոչ նյութական ակտիվները հաշվառվում են սկզբնական արժեքով՝ հանած կուտակված ամորտիզացիան և կուտակված արժեզրկումից կորուստները: Ներստեղծված ոչ նյութական ակտիվները, բացառությամբ կապիտալացված զարգացման ծախսերի, չեն կապիտալացվում, և դրա հետ կապված ծախսերը արտացոլվում են այն ժամանակաշրջանի շահույթում կամ վնասում, որում կատարվել են ծախսերը:

Ոչ նյութական ակտիվների օգտակար ծառայության ժամկետները կարող են լինել որոշակի կամ անորոշ: Որոշակի օգտակար ծառայության ժամկետ ունեցող ոչ նյութական ակտիվները ամորտիզացվում են գծային մեթոդով՝ տարի օգտակար ծառայության ընթացքում և գնահատվում են արժեզրկման տեսանկյունից, երբ առկա են ոչ նյութական ակտիվի արժեզրկման հայտանիշներ: Սահմանափակ օգտակար ծառայության ժամկետ ունեցող ոչ նյութական ակտիվի ամորտիզացիայի ժամկետը և ամորտիզացիայի մեթոդը վերանայվում են առնվազն յուրաքանչյուր հաշվետու ժամանակաշրջանի վերջում: Համարվում է, որ ակնկալվող օգտակար ծառայության փոփոխությունները կամ ակտիվում մարմնավորված ապագա տնտեսական օգուտների սպառման ակնկալվող օրինաչափությունը փոփոխում է ամորտիզացիայի ժամկետը կամ մեթոդը, ըստ կիրառելիության, և դիտարկվում է որպես փոփոխություններ հաշվապահական գնահատումներում:

Ոչ նյութական ակտիվը ապաճանաչվում է օտարումից (այսինքն՝ ստացողի կողմից վերահսկողություն ձեռք բերելու ամսաթվից) հետո կամ երբ դրա օգտագործումից կամ օտարումից ապագա տնտեսական օգուտներ չեն ակնկալվում: Ակտիվի ապաճանաչումից առաջացող ցանկացած օգուտ կամ վնաս (հաշվարկվում է որպես օտարումից զուտ հասույթի և ակտիվի հաշվեկշռային արժեքի տարբերություն) ներառվում է շահույթի կամ վնասի մասին հաշվետվությունում:

Հետազոտության և զարգացման ծախսեր

Հետազոտության ծախսերը ծախսագրվում են ըստ դրանց կատարման: Առանձին ծրագրերի գծով զարգացման ծախսերը ճանաչվում են որպես ոչ նյութական ակտիվ, երբ ԸՆկերությունը կարող է ցույց տալ.

- Ոչ նյութական ակտիվի վերջնականացման տեխնիկական իրագործելիությունը, որի արդյունքում ակտիվը հասանելի է լինելու օգտագործման կամ վաճառքի համար.
- Վերջնականացման մտադրությունը և ակտիվի օգտագործելու կամ վաճառելու կարողությունն ու մտադրությունը
- Ակտիվից ապագա տնտեսական օգուտների ստացման եղանակը
- Ակտիվի վերջնականացման համար ռեսուրսների առկայությունը
- Մշակման ընթացքում կատարվող ծախսերը հուսալիորեն չափելու կարողությունը

Զարգացման ծախսերի՝ որպես ակտիվ սկզբնական ճանաչումից հետո ակտիվը հաշվառվում է սկզբնական արժեքով՝ հանած կուտակված ամորտիզացիան և կուտակված արժեզրկումից կորուստները: Ակտիվների ամորտիզացիան սկսվում է, երբ մշակումն ավարտված է, և ակտիվը հասանելի է օգտագործման համար: Այն ամորտիզացվում է ապագա ակնկալվող օգուտի ժամանակաշրջանի ընթացքում: Մշակման ժամանակաշրջանում ակտիվը տարեկան պարբերականությամբ ստուգվում է արժեզրկման տեսանկյունից:

Ֆինանսական գործիքների սկզբնական ճանաչում և հետագա չափում

Ֆինանսական գործիքը ցանկացած պայմանագիր է, որը է մի կազմակերպության համար առաջացնում ֆինանսական ակտիվ, իսկ մյուս կազմակերպության համար՝ ֆինանսական պարտավորություն կամ սեփական կապիտալի գործիք:

1) Ֆինանսական ակտիվներ

Սկզբնական ճանաչումը և չափումը

Ֆինանսական ակտիվները դասակարգվում են սկզբնական ճանաչման ժամանակ, իսկ հետագայում չափվում են ամորտիզացված արժեքով:

Ֆինանսական ակտիվների դասակարգումը սկզբնական ճանաչման ժամանակ կախված է ֆինանսական ակտիվի պայմանագրային դրամական միջոցների հոսքերի բնութագրերից և դրանց կառավարման համար ԸՆկերության բիզնես մոդելից: Բացառությամբ առևտրային դեբիտորական պարտքերի, որոնք չեն պարունակում Էական ֆինանսավորման բաղադրիչ կամ որոնց համար ԸՆկերությունը կիրառել է գործնական նպատակահարմարությունը, ԸՆկերությունը սկզբնապես ֆինանսական ակտիվը չափում է իր իրական արժեքով գումարած գործարքի ծախսերն այն դեպքում, երբ ֆինանսական ակտիվը չի չափվում իրական արժեքով շահույթի կամ վնասի միջոցով:

ԸՆկերության ֆինանսական ակտիվների կառավարման բիզնես մոդելը արտացոլում է իր կողմից ֆինանսական ակտիվների կառավարումը՝ դրամական միջոցների հոսքեր առաջացնելու համար: Բիզնես մոդելը որոշում է, թե արդյոք դրամական միջոցների հոսքերը կառաջանան պայմանագրային դրամական միջոցների հոսքերի հավաքագրման, ֆինանսական ակտիվների վաճառքի, կամ նշված երկուսի արդյունքում: Ամորտիզացված արժեքով դասակարգվող և չափվող ֆինանսական ակտիվները պահվում են բիզնես մոդելի շրջանակներում՝

հազ. 33 դրամ

Նպատակ ունենալով ֆինանսական ակտիվները պահել պայմանագրային դրամական միջոցների հոսքերի հավաքագրման համար:

Ֆինանսական ակտիվների գնումները կամ վաճառքը, որոնք ենթադրում են ակտիվների հանձնում շուկայում ընդունված կանոններով կամ գործարար սովորույթներով սահմանված ժամկետում (սովորական եղանակով առևտուր), ճանաչվում են առքուվաճառքի ամսաթվին, այսինքն՝ այն ամսաթվին, երբ Ընկերությունը պարտավորվում է գնել կամ վաճառել ակտիվը:

Հետագա չափում

Հետագա չափման նպատակով ֆինանսական ակտիվները գնահատվում են ամորտիզացված արժեքով (պարտքային գործիքներ)

Ամորտիզացված արժեքով ֆինանսական ակտիվներ (պարտքային գործիքներ)

Ամորտիզացված արժեքով ֆինանսական ակտիվները հետագայում չափվում են արդյունավետ տոկոսադրույքի (EIR) մեթոդով և ենթակա են արժեզրկման: Շահույթը և վնասը ճանաչվում է շահույթով կամ վնասում, երբ ակտիվը ապաճանաչվում է, փոփոխվում կամ արժեզրկվում է:

Ապաճանաչում

Ֆինանսական ակտիվը (կամ, անհրաժեշտության դեպքում, ֆինանսական ակտիվի մի մասը կամ համանման ֆինանսական ակտիվների խմբի մի մասը) հիմնականում ապաճանաչվում է (այսինքն՝ հանվում է Ընկերության ֆինանսական վիճակի մասին հաշվետվությունից), երբ.

- Ակտիվից դրամական միջոցների հոսքեր ստանալու իրավունքները սպառվել են, կամ
- Ընկերությունը փոխանցել է ակտիվից դրամական միջոցների հոսքեր ստանալու իր իրավունքները կամ ստանձնել է ստացված դրամական հոսքերն ամբողջությամբ առանց էական ուշացման երրորդ կողմին վճարելու պարտավորություն՝ «փոխանցման» համաձայնագրի ներքո, և կամ (ա) Ընկերությունը. փոխանցել է ակտիվի՝ ըստ Էության բոլոր ռիսկերը և հատույցները, կամ (բ) Ընկերությունը չի փոխանցել կամ պահպանել է ակտիվի՝ ըստ Էության բոլոր ռիսկերը և հատույցները, սակայն փոխանցել է ակտիվի վերահսկողությունը:

Երբ Ընկերությունը փոխանցել է ակտիվից դրամական հոսքեր ստանալու իր իրավունքները կամ ձեռք է բերել փոխանցման պայմանավորվածություն, նա գնահատում է, թե արդյոք և որքանով են իր կողմից պահպանվել պահպանել սեփականության հետ կապված ռիսկերը և հատույցները: Եթե Ընկերությունը չի փոխանցել և չի պահպանել ակտիվի ակտիվի՝ ըստ Էության բոլոր ռիսկերը և հատույցները, և չի փոխանցել ակտիվի վերահսկողությունը, Ընկերությունը շարունակում է ճանաչել փոխանցված ակտիվը իր շարունակական ներգրավվածության չափով: Այդ դեպքում Ընկերությունը ճանաչում է նաև հարակից պարտավորություն: Փոխանցված ակտիվը և դրա հարակից պարտավորությունը չափվում են այն հիմունքներով, որոնք արտացոլում են Ընկերության կողմից պահպանված իրավունքներն ու պարտականությունները: Շարունակական ներգրավվածությունը՝ փոխանցված ակտիվի նկատմամբ երաշխիքի ձևով, չափվում է ակտիվի սկզբնական հաշվեկշռային արժեքի գումարից և Ընկերությունից հնարավոր մարման համար պահանջվող գումարից առավելագույնով:

Ընկերությունը ճանաչում է ակնկալվող պարտքային կորուստների (ԱՊԿ) պահուստ իրական արժեքով շահույթի կամ վնասի միջոցով չչափվող բոլոր պարտքային գործիքների համար: ԱՊԿ-ների հիմքում ընկած է պայմանագրի ներքո նախատեսված պայմանագրային դրամական միջոցների հոսքերի, և Ընկերության կողմից ստացման համար ակնկալվող բոլոր դրամական հոսքերի տարբերությունը՝ զեղչված սկզբնական արդյունավետ տոկոսադրույքի մոտարկմամբ: Ակնկալվող դրամական միջոցների հոսքերը կներառեն դրամական միջոցների հոսքեր պահվող գրավի առարկայի վաճառքից կամ այլ վարկային ապահովվածության միջոցներից, որոնք հանդիսանում են պայմանագրային պայմանների անբաժանելի մասը:

ԱՊԿ-ները ճանաչվում են երկու փուլով: Այն պարտքային հոգվածների գծով, որոնց դեպքում պարտքային ռիսկի զգալի աճ տեղի չի ունեցել սկզբնական ճանաչումից ի վեր, ԱՊԿ սահմանվում է հաջորդ 12 ամիսների ընթացքում հնարավոր դեֆոլտի դեպքերից առաջացող պարտքային կորուստների համար (12-ամսյա ԱՊԿ): Այն պարտքային հոգվածների գծով, որոնց դեպքում պարտքային ռիսկի զգալի աճ է տեղի ունեցել սկզբնական ճանաչումից ի վեր, պահանջվում է ակնկալվող պարտքային կորուստների գծով պահուստ՝ ակտիվի մնացած ժամկետի ընթացքում՝ անկախ դեֆոլտի տեղի ունենալու ժամկետից (ԱՊԿ ողջ ժամկետի համար):

Առևտրային դեբիտորական պարտքերի և պայմանագրային ակտիվների համար Ընկերությունը կիրառում է պարզեցված մոտեցում ԱՊԿ-ների հաշվարկման ժամանակ: Հետևաբար, Ընկերությունը չի հետևում պարտքային ռիսկի փոփոխություններին, փոխարենը ճանաչում է կորստի պահուստ՝ ողջ ժամկետի համար ԱՊԿ-ի հիմունքով, յուրաքանչյուր հաշվետու ամսաթվին: Ընկերությունը սօսագործում է պահուստների ժամկետայնության վերլուծություն՝ հիմնված պարտքային կորուստների նախկին փորձի վրա՝ ճշգրտված պարտապաններին և տնտեսական միջավայրը բնորոշող հեռանկարային գործակիցներով:

Ընկերությունը ֆինանսական ակտիվը համարում է դեֆոլտի ենթարկված, երբ պայմանագրային վճարումները ժամկետանց են 90 օր: Այնուամենայնիվ, որոշ դեպքերում Ընկերությունը կարող է նաև ֆինանսական ակտիվը համարել դեֆոլտի ենթարկված, երբ ներքին կամ արտաքին տեղեկատվությունը ցույց է տալիս, որ Ընկերության կողմից պայմանագրային չմարված գումարների ամբողջությամբ ստացման հավանականությունը ցածր է՝ նախքան Ընկերության կողմից պահվող վարկային ապահովվածությունների հաշվի առնելը: Ֆինանսական ակտիվը դուրս է գրվում, երբ պայմանագրային դրամական միջոցների հոսքերը վերականգնելու ողջամիտ ակնկալիք չկա:

հազ. ՀՀ դրամ

Ոչ ֆինանսական ակտիվների արժեզրկում

Ընկերությունը յուրաքանչյուր հաշվետու ամսաթվին գնահատում է, թե արդյոք կա որևէ հայտանիշ առ այն, որ ակտիվը կարող է արժեզրկված լինել: Եթե առկա է նման հայտանիշ, կամ երբ պահանջվում է ակտիվի համար տարեկան արժեզրկման թեստ, Ընկերությունը գնահատում է ակտիվի փոխհատուցվող գումարը: Փոխհատուցվող գումարը հետևյալ երկու մեծություններից առավելագույնն է՝ ակտիվի կամ դրամաստեղծ միավորի իրական արժեք հաճախ օտարման ծախսումները և օգտագործման արժեք: Փոխհատուցվող գումարը որոշվում է առանձին ակտիվի համար, բացառությամբ այն դեպքերի, երբ ակտիվը առաջացնում է դրամական միջոցների ներհոսքեր, որոնք հիմնականում անկախ են այլ ակտիվներից կամ ակտիվների խմբերից: Երբ ակտիվի կամ դրամաստեղծ միավորի հաշվեկշռային արժեքը գերազանցում է դրա փոխհատուցվող գումարը, ակտիվը համարվում է արժեզրկված և նվազեցվում է մինչև դրա փոխհատուցվող գումարը:

Օգտագործման արժեքը գնահատելիս դրամական միջոցների գնահատված ապագա հոսքերը գեղջվում են մինչև դրանց ներկա արժեքը՝ օգտագործելով մինչև հարկումը գեղջման դրույքաչափը, որն արտացոլում է փողի ժամանակային արժեքի շուկայական ընթացիկ գնահատումները և ակտիվին բնորոշ ռիսկերը: Իրական արժեքը՝ հաճախ օտարման ծախսումները որոշելիս հաշվի են առնվում շուկայական վերջին գործարքները: Եթե նման գործարքներ չեն հայտնաբերվել, ապա օգտագործվում է համապատասխան գնահատման մոդել: Այս հաշվարկները հաստատվում են գնահատման բազմապատկերով, հրապարակային ցուցակված ընկերությունների գնանշված բաժնետոմսերի գներով կամ իրական արժեքի այլ մատչելի ցուցանիշներով:

Ընկերության արժեզրկման հաշվարկը հիմնված է առավել արդիական բյուջեների և կանխատեսումների հաշվարկների վրա՝ կատարված Ընկերության առանձին դրամաստեղծ միավորներից յուրաքանչյուրի համար, որին հատկացված են առանձին ակտիվները: Այս բյուջեները և կանխատեսումների հաշվարկները հիմնականում ներառում են հինգ տարվա ժամկետ: Երկարաժամկետ աճի տեմպը հաշվարկվում և կիրառվում է հինգերորդ տարուց հետո ապագա դրամական հոսքերի կանխատեսման համար:

Շարունակական գործառնությունների արժեզրկումից կորուստները ճանաչվում են շահույթի կամ վնասի մասին հաշվետվությունում որպես ոչ գործառնական ծախսեր, բացառությամբ այն գույքերի, որոնք նախկինում վերագնահատված են եղել, վերագնահատման արդյունքն արտացոլելով այլ համապարփակ ֆինանսական արդյունքում: Նման գույքի համար արժեզրկումը ճանաչվում է այլ համապարփակ ֆինանսական արդյունքում մինչև նախկին վերագնահատման գումարը:

Ակտիվների համար, բացառությամբ գուդվիլի, յուրաքանչյուր հաշվետու ամսաթվին կատարվում է գնահատում՝ որոշելու համար, թե արդյոք առկա է հայտանիշ առ այն, որ նախկինում ճանաչված արժեզրկումից կորուստները այլևս գոյություն չունեն կամ նվազել են: Եթե առկա է նման հայտանիշ, Ընկերությունը գնահատում է ակտիվի կամ դրամաստեղծ միավորի փոխհատուցվող գումարը:

Նախկինում ճանաչված արժեզրկումից կորուստը հակադարձվում է միայն այն դեպքում, երբ վերջին արժեզրկումից կորուստի ճանաչումից հետո տեղի է ունեցել փոփոխություն ակտիվի փոխհատուցվող գումարը որոշելու համար օգտագործված ենթադրություններում: Հակադարձումը սահմանափակված է, որպեսզի ակտիվի հաշվեկշռային արժեքը չգերազանցի դրա փոխհատուցվող գումարը և չգերազանցի հաշվեկշռային արժեքը, որը կորոշվե՝ առանց մաշվածության, եթե նախորդ տարիներին ակտիվի համար արժեզրկումից կորուստ չճանաչվե: Նման հակադարձումը ճանաչվում է շահույթի կամ վնասի մասին հաշվետվությունում, բացառությամբ այն դեպքերի, երբ ակտիվը հաշվառվում է վերագնահատված գումարով, որի դեպքում հակադարձումը դիտվում է որպես վերագնահատումից աճ:

Անժամկետ օգտակար ծառայության ժամկետ ունեցող ոչ նյութական ակտիվները տարեկան ստուգվում են արժեզրկման տեսանկյունից՝ դրամաստեղծ միավորի մակարդակով, ըստ անհրաժեշտության, և երբ հանգամանքները ցույց են տալիս, որ հաշվեկշռային արժեքը կարող է արժեզրկված լինել:

Դրամական և կարճաժամկետ ավանդներ

Ֆինանսական վիճակի մասին հաշվետվությունում դրամական միջոցները և կարճաժամկետ ավանդները ներառում են դրամական միջոցներ բանկերում և դրամական միջոցներ դրամարկղում, և կարճաժամկետ բարձր իրացվելի՝ երեք ամիս կամ պակաս ժամկետով ավանդներ, որոնք հեշտությամբ փոխարկելի են որոշելի մեծությամբ դրամական միջոցների և որոնց արժեքի փոփոխության ռիսկը աննշան է:

Դրամական միջոցների հոսքերի մասին հաշվետվության նպատակով դրամական միջոցները և դրանց համարժեքները բաղկացած են դրամական միջոցներից և կարճաժամկետ ավանդներից, ինչպես սահմանված է վերևում, չմարված բանկային օվերդրաֆտներից, քանի որ դրանք համարվում են Ընկերության դրամական միջոցների կառավարման անբաժանելի մասը:

Պահուստներ

Պահուստները ճանաչվում են, երբ Ընկերությունն, անցյալ դեպքերի արդյունքում ունի իրավաբանորեն ամրագրված կամ ենթադրվող պարտավորություն և հավանական է, որ այդ պարտավորությունը մարելու համար կպահանջվի տնտեսական օգուտներ մարմավորող ռեսուրսների արտահոսք, ինչպես նաև պարտավորության չափը հնարավոր է արժանահավատորեն գնահատել: Երբ Ընկերությունն ակնկալում է, որ պահուստի մի մասը կամ ամբողջը կփոխհատուցվի, օրինակ, ապահովագրական պայմանագրով, փոխհատուցումը ճանաչվում է որպես առանձին ակտիվ, բայց միայն այն դեպքում, երբ փոխհատուցումը գործնականում որոշակի է: Պահուստի

հազ. ՀՀ դրամ

հետ կապված ծախսերը ներկայացվում են շահույթի կամ վնասի մասին հաշվետվությունում առանց որևէ փոխհատուցման:

Եթե փողի ժամանակային արժեքի ազդեցությունը էական է, ապա պահուստները գեղջվում են՝ օգտագործելով ընթացիկ միջև հարկումը դրույթաչափը, որը, անհրաժեշտության դեպքում, արտացոլում է պարտավորությանը բնորոշ ռիսկերը: Երբ օգտագործվում է գեղջ, ժամանակի ընթացքով պայմանավորված պահուստի ավելացումը ճանաչվում է որպես ֆինանսական ծախս:

Պահուստ վերակազմավորման գծով

Վերակազմավորման պահուստները ճանաչվում են միայն այն դեպքում, երբ Ընկերությունն ունի կառուցողական պարտավորություն, որն իրենից ներկայացնում է հետևյալը.

(i) կա մանրամասն պաշտոնական պլան, որը սահմանում է ազդակիր գործունեությունը կամ դրա մի մասը, ազդակիր աշխատողների գտնվելու վայրը և թիվը, հարակից ծախսերի մանրամասն նախահաշիվը և ժամանակացույցը. և

(ii) ազդակիր աշխատակիցները տեղեկացվել են ծրագրի հիմնական առանձնահատկությունների վերաբերյալ:

Խնդրահարույց պայմանագրեր

Եթե Ընկերությունն ունի խնդրահարույց պայմանագիր, ապա պայմանագրով նախատեսված ներկա պարտավորությունը ճանաչվում և չափվում է որպես պահուստ: Այնուամենայնիվ, նախքան խնդրահարույց պայմանագրի համար առանձին պահուստ ստեղծելը, Ընկերությունը ճանաչում է այդ պայմանագրին վերագրված ակտիվների գծով առաջացած ցանկացած արժեզրկումից կորուստ:

Խնդրահարույց պայմանագիրը պայմանագիր է, որով պայմանագրային ծախսերով ստանձնած պարտավորությունների կատարման անխուսափելիությունը (այսինքն՝ ծախսերը, որոնցից Ընկերությունը չի կարող խուսափել՝ ելնելով պայմանագրի առկայությունից) գերազանցում է դրա շրջանակներում ակնկալվող տնտեսական օգուտները: Պայմանագրով նախատեսված անխուսափելի ծախսերը արտացոլում են պայմանագրից դուրս գալու նվազագույն զուտ ծախսերը, որն ավելի ցածր է դրա կատարման արժեքից և այն չկատարելու հետևանքով առաջացող ցանկացած փոխհատուցումից կամ տույժերից: Պայմանագրի կատարման արժեքը ներառում է այն ծախսերը, որոնք ուղղակիորեն վերաբերում են պայմանագրին (այսինքն՝ և՛ հավելյալ ծախսերը, և՛ պայմանագրային գործունեության հետ անմիջականորեն կապված ծախսերի բաշխումը):

Բաժնետոմսերի վրա հիմնված վճարումներ***Դրամական միջոցներով մարվող գործարքներ***

Դրամական միջոցներով մարվող գործարքների իրական արժեքի գծով ճանաչվում է պարտավորություն: Իրական արժեքը չափվում է սկզբնապես և յուրաքանչյուր հաշվետու ամսաթվին՝ մինչև մարման ամսաթիվը ներառյալ, իսկ իրական արժեքի փոփոխությունները ճանաչվում են աշխատակիցների հատուցումների ծախսերում: Իրական արժեքը ծախսագրվում է այն ժամանակաշրջանի ընթացքում, մինչև մարման ամսաթիվը՝ համապատասխան պարտավորության ճանաչմամբ: Ստեղծումը, որն օգտագործվում է ներդրման պայմանները հաշվառելու համար սեփական կապիտալով մարվող գործարքները չափելիս, կիրառվում է նաև դրամական միջոցներով մարվող գործարքների նկատմամբ:

3. Հաշվապահական հաշվառման քաղաքականության և բացահայտումների փոփոխություններ

Ընկերությունն իրականացրել է որոշակի ստանդարտների և փոփոխությունների առաջին անգամ կիրառում, որոնք ուժի մեջ են մտնում 2022թ. հունվարի 1-ին կամ դրանից հետո սկսվող տարեկան ժամանակաշրջանների համար (եթե այլ կերպ նշված չէ): Ընկերությունը վաղաժամ չի ընդունել որևէ այլ ստանդարտ, մեկնաբանություն կամ փոփոխություն, որը թողարկվել է, բայց դեռ ուժի մեջ չէ:

Խնդրահարույց պայմանագրեր – Պայմանագրի կատարման ծախսեր – ՀՀՄՍ 37-ի փոփոխություններ

Խնդրահարույց պայմանագիրը պայմանագիր է, որով պայմանագրային ծախսերով ստանձնած պարտավորությունների կատարման անխուսափելիությունը (այսինքն՝ ծախսերը, որոնցից Ընկերությունը չի կարող խուսափել՝ ելնելով պայմանագրի առկայությունից) գերազանցում է դրա շրջանակներում ակնկալվող տնտեսական օգուտները:

Փոփոխությունները սահմանում են, որ երբ պայմանագիրը գնահատվում է որպես խնդրահարույց կամ վնաս առաջացնող, կազմակերպությունը պետք է ներառի ծախսումները, որոնք ուղղակիորեն վերաբերում են ապրանքների կամ ծառայությունների մատուցման պայմանագրին, ներառյալ հավելյալ ծախսերը (օրինակ՝ ուղղակի աշխատանքի և կյանքի ծախսերը) և պայմանագրային գործունեության հետ անմիջականորեն կապված ծախսերի բաշխումը (օրինակ՝ պայմանագրի կատարման համար օգտագործվող սարքավորումների մաշվածություն և պայմանագրի կառավարման և վերահսկողության ծախսեր): Ընդհանուր և վարչական ծախսերը ուղղակիորեն չեն առնչվում պայմանագրին և բացառվում են, եթե դրանք ուղղակիորեն ենթակա չեն պայմանագրային կողմից հավաքագրման: Ընկերությունը փոփոխություններ է կատարել այն պայմանագրերում, որոնց համար հաշվետու ժամանակաշրջանի սկզբում չի կատարել իր բոլոր պարտավորությունները: Փոփոխությունն ազդեցություն չունի Ընկերության ֆինանսական հաշվետվությունների վրա:

հազ. ՀՀ դրամ

Հիմնական միջոցներ. հասույթ մինչև նախատեսված օգտագործումը – Փոփոխություններ ՀՀՄՍ 16-ի Վարձակալություն

Փոփոխությունն արգելում է կազմակերպություններին հիմնական միջոցների միավորի սկզբնական արժեքից նվազեցնել արտադրված միավորների վաճառքից ստացված ցանկացած հասույթ, որը վերաբերում է այդ ակտիվը դեկլարության կողմից նախատեսված ձևով օգտագործելու համար անհրաժեշտ վայր և պայմանների հասցնելու համար: Փոխարենը, կազմակերպությունը ճանաչում է այդպիսի միավորների վաճառքից ստացված հասույթը և այդ միավորի արտադրության գծով ծախսումները՝ շահույթում կամ վնասում: Անցումային դրույթների համաձայն՝ Ընկերությունը հետադարձ կերպով կիրառում է փոփոխությունները միայն այն հիմնական միջոցների միավորների նկատմամբ, որոնք հասանելի են օգտագործման համար ներկայացված ամենավաղ ժամանակաշրջանի սկզբից կամ դրանից հետո, երբ կազմակերպությունն առաջին անգամ կիրառում է փոփոխությունը (սկզբնական կիրառման ամսաթիվը): Այս փոփոխությունները ազդեցություն չեն ունեցել Ընկերության ֆինանսական հաշվետվությունների վրա, քանի որ չեն եղել այն հիմնական միջոցների միավորների վաճառքներ, որոնք հասանելի են եղել օգտագործման համար ներկայացված ամենավաղ ժամանակաշրջանի սկզբից կամ դրանից հետո:

ՀՀՄՍ 9 Ֆինանսական գործիքներ – Ֆինանսական պարտավորությունների ապահանջման համար վճարներ «10 տոկոս» թեստ

Փոփոխությունը պարզաբանում է վճարները, որոնք կազմակերպությունը ներառում է՝ գնահատելիս, թե արդյոք նոր կամ փոփոխված ֆինանսական պարտավորության պայմանները էապես տարբերվում են սկզբնական ֆինանսական պարտավորության պայմաններից: Այս վճարները ներառում են միայն փոխառուի և փոխատուի միջև տրված կամ ստացված վճարները, ներառյալ փոխառուի կամ փոխատուի կողմից՝ մեկը մյուսի անունից կատարված կամ ստացված վճարները: Նման փոփոխություն չի առաջարկվում «Ֆինանսական գործիքներ. ճանաչում և չափում» ՀՀՄՍ 39-ի գծով: Անցումային դրույթների համաձայն՝ Ընկերությունը կիրառում է փոփոխությունը ֆինանսական պարտավորությունների նկատմամբ, որոնք փոփոխվել կամ փոխանակվել են տարեկան հաշվետու ժամանակաշրջանի սկզբում կամ դրանից հետո, երբ կազմակերպությունն առաջին անգամ կիրառել է փոփոխությունը (նախնական կիրառման ամսաթիվը): Այս փոփոխությունները ազդեցություն չեն ունեցել Ընկերության ֆինանսական հաշվետվությունների վրա, քանի որ տվյալ ժամանակաշրջանում ֆինանսական գործիքներում փոփոխություններ չեն եղել:

4. Հաշվապահական նշանակալի դատողություններ, գնահատումներ և ենթադրություններ

Դատողություններ

Ընկերության հաշվապահական հաշվառման քաղաքականության կիրառման գործընթացում դեկլարությունը կատարել է հետևյալ դատողությունները, որոնք առավել էական ազդեցություն ունեն ֆինանսական հաշվետվություններում ճանաչված գումարների վրա:

Դայմանագրերի վարձակալության ժամկետի որոշումը երկարաձգման և դադարեցման օպցիոններով – Ընկերությունը որպես վարձակալ

Ընկերությունը վարձակալության ժամկետը սահմանում է որպես վարձակալության անչեղարկելի ժամկետ՝ ներառյալ վարձակալության երկարաձգման օպցիոնով ընդգրկված ցանկացած ժամանակաշրջան, եթե առկա է ողջամիտ վստահություն, որ այն կիրականացվի, կամ ցանկացած ժամանակաշրջան, որը ներառված է վարձակալության դադարեցման օպցիոնով, եթե առկա է ողջամիտ վստահություն, որ այն չի իրականացվի: Ընկերությունն ունի մի քանի վարձակալության պայմանագրեր, որոնք ներառում են երկարաձգման և դադարեցման օպցիոններ: Ընկերությունը կիրառում է դատողություն՝ գնահատելու համար, թե արդյոք ողջամտորեն որոշակի է վարձակալության ժամկետը երկարաձգելու կամ դադարեցնելու օպցիոնի կիրառման հեռանկարը: Այսինքն՝ այն հաշվի է առնում բոլոր համապատասխան գործոնները, որոնք տնտեսական խթան են ստեղծում վերանայումը կամ երկարաձգումը իրականացնելու համար: Մեկնարկի ամսաթվից հետո Ընկերությունը վերագնահատում է վարձակալության ժամկետը՝ որոշելու թե արդյոք առկա են այնպիսի էական իրադարձություններ կամ հանգամանքների փոփոխություններ, որոնք իր վերահսկողության ներքո են և ազդում է երկարաձգելու կամ դադարեցնելու օպցիոնը կիրառելու կամ չկիրառելու իր կարողության վրա (օրինակ՝ վարձակալության օբյեկտի կառուցում կամ վարձակալվող գույքի էական բարելավումներ կամ վարձակալված ակտիվի էական փոխակերպում):

Գնահատումներ և ենթադրություններ

Հաշվետու ամսաթվի դրությամբ ապագայի և գնահատման անորոշության այլ հիմնական աղբյուրների վերաբերյալ հիմնական ենթադրությունները, որոնք ներկայացնում են հաջորդ ֆինանսական տարվա ընթացքում ակտիվների և պարտավորությունների հաշվեկշռային արժեքների էական ճշգրտումներ առաջացնելու զգալի ռիսկ, նկարագրված են ստորև: Ընկերությունն իր ենթադրություններում և գնահատումներում հիմնվել է ֆինանսական հաշվետվությունների պատրաստման ժամանակ առկա չափորոշիչների վրա: Գոյություն ունեցող հանգամանքները և ապագա զարգացումների վերաբերյալ ենթադրությունները, այնուամենայնիվ, կարող են փոխվել շուկայական փոփոխությունների կամ առաջացող հանգամանքների պատճառով, որոնք դուրս են Ընկերության վերահսկողությունից: Նման փոփոխություններն արտացոլվում են ենթադրություններում, երբ դրանք տեղի են ունենում:

Վարձակալություն - Փոխառության աճող տոկոսադրույքի գնահատում

հազ. ՀՀ դրամ

Ընկերությունը չի կարող հեշտությամբ որոշել վարձակալության ենթադրվող տոկոսադրույքը, հետևաբար, ֆինանսական վարձակալության գծով պարտավորությունները չափելու համար այն օգտագործում է լրացուցիչ փոխառության տոկոսադրույքը (IBR): Լրացուցիչ փոխառության տոկոսադրույքն այն տոկոսադրույքն է, որը Ընկերությունը ստիպված կլինի վճարել համանման ժամկետով և համանման ապահովմամբ այն փոխառու միջոցների դիմաց, որոնք անհրաժեշտ են համանման տնտեսական միջավայրում համանման արժեք ունեցող օգտագործման իրավունքի ձևով ակտիվի ստացման համար: Հետևաբար, լրացուցիչ փոխառության տոկոսադրույքն (IBR) արտացոլում է այն, ինչ Ընկերությունը «պետք է վճարեր», որը պահանջում է գնահատել, երբ դիտարկվող տոկոսադրույքներ մատչելի չեն (օրինակ՝ դուստր ընկերությունների համար, որոնք ֆինանսավորման գործարքներ չեն կնքում) կամ երբ դրանք պետք է ճշգրտվեն՝ արտացոլելու ֆինանսական վարձակալության ժամկետներն ու պայմանները (օրինակ, երբ վարձակալությունները դուստր ընկերության գործառնական արժույթով չեն): Ընկերությունը գնահատում է լրացուցիչ փոխառության տոկոսադրույքն (IBR)՝ օգտագործելով դիտարկելի ելակետային տվյալները (օրինակ՝ շուկայական տոկոսադրույքները), երբ առկա է, և ապահանջվում է իրականացնել ընկերությանը բնորոշ որոշակի գնահատումներ (օրինակ՝ դուստր ընկերության առանձին վարկանիշը):

5. Հիմնական միջոցներ, ոչ նյութական ակտիվներ և օգտագործման իրավունքի ձևով ակտիվներ

	Շենքեր	Անավարտ շինարարություն	Համակարգիչներ	Կահույք և կցամասեր	Օգտագործման իրավունքի ձևով ակտիվներ	Ոչ նյութական ակտիվներ	Ընդամենը հիմնական միջոցներ
1 հունվարի 2022թ.	-	-	-	-	-	-	-
Լրացումներ	7,668	179,385	547,684	95,145	431,987	80	1,261,949
Մաշվածություն	(1,189)	-	(54,718)	(3,359)	(102,110)	(7)	(161,383)
31 դեկտեմբերի 2022թ.	6,479	179,385	492,966	91,786	329,877	73	1,100,566

6. Ոչ ընթացիկ կանխավճարներ

	2022թ.
Ապրանքների և ծառայությունների համար կանխավճարներ	33,123
Ընդամենը ոչ ընթացիկ դեբիտորական պարտքեր	33,123

Առևտրային և այլ դեբիտորական պարտքերը 2022թ. դեկտեմբերի 31-ի դրությամբ ժամկետանց և արժեզրկված չեն: Դրանք ունեն մինչև 30 օր մարման ժամկետ:

7. Ապահովագրության կանխավճարներ

Ընթացիկ կանխավճարները 2022թ. դեկտեմբերի 31-ի դրությամբ ներառում են աշխատողների առողջության ապահովագրության վճարների չամորտիզացված մասը՝ 43,219 հազ. ՀՀ դրամ և կյանքի ապահովագրության վճարները՝ 28,033 հազ. ՀՀ դրամ:

8. Առևտրային և դեբիտորական պարտքեր

	2022թ.
Այլ դեբիտորական պարտքեր	76,118
Ընդամենը ֆինանսական դեբիտորական պարտքեր	76,118
Ապրանքների և ծառայությունների համար կանխավճարներ	208,008
Հարկային դեբիտորական պարտքեր	87,664
Աշխատակիցների գծով դեբիտորական պարտքեր	5,651
Ընդամենը առևտրային և դեբիտորական պարտքեր	377,441

Առևտրային և այլ դեբիտորական պարտքերը 2022թ. դեկտեմբերի 31-ի դրությամբ ժամկետանց և արժեզրկված չեն: Դրանք ունեն մինչև 30 օր մարման ժամկետ: Այլ դեբիտորական պարտքերի չափը ցույց է տալիս այն դեբիտորական պարտքը, որը Ընկերությունն ուներ NVIDIA Ltd-ի ռուսական մասնաճյուղի նկատմամբ:

հազ. ՀՀ դրամ

9. Դրամական միջոցներ և դրանց համարժեքներ և ավանդներ բանկերում

	2022թ.
Դրամական միջոցներ ՀՀ դրամով	47,515
Դրամական միջոցներ ԱՄՆ դոլարով	2,754,256
Դրամական միջոցներ եվրոյով	1
Ընդամենը դրամական միջոցներ և դրանց համարժեքներ	2,801,772

Դեկլարությունը գնահատել է ակնկալվող վարկային կորուստը իր դրամական մնացորդների վրա և եզրակացրել, որ ազդեցությունը էական չէ:

10. Կանոնադրական կապիտալ

Ֆինանսական հաշվետվություններում և դրանց ծանոթագրություններում բացահայտված բոլոր գումարները կլորացված են մինչև հազար, եթե այլ բան նշված չէ: Կլորացման շեմից փոքր ցանկացած գումար նշվում է որպես «-»:

11. Առևտրային և այլ կրեդիտորական պարտքեր

	2022թ.
Ոչ ընթացիկ ակտիվների գծով կրեդիտորական պարտքեր	106,133
Ընդամենը ֆինանսական պարտավորություններ առևտրային և այլ կրեդիտորական պարտքերի կազմում	106,133
Կրեդիտորական պարտքեր	635,395
Կապակցված կողմերին կրեդիտորական պարտքեր	366,096
Աշխատավարձի գծով կրեդիտորական պարտքեր	4,720
Վճարման ենթակա հարկ	2,663
Ընդամենը առևտրային և այլ կրեդիտորական պարտքեր	1,115,007

12. Վարձակալություն

Ստորև բերված են վարձակալության պարտավորությունների հաշվեկշռային արժեքները և ժամանակաշրջանի ընթացքում փոփոխությունները.

	Ընդամենը վարձակալության գծով պարտավորություններ
Մնացորդը 2022թ. հունվարի 1-ի դրությամբ	-
Լրացումներ	431,987
Տոկոսների ավելացում	9,122
Վճարումներ	(113,300)
Մնացորդն առ 31 դեկտեմբերի 2022թ.	327,809

Շահույթում կամ վնասում ճանաչված են հետևյալ գումարները.

Օգտագործման իրավունքի ձևով ակտիվների ամորտիզացիոն ծախսեր	102,110
Վարձակալության պարտավորությունների գծով տոկոսային ծախսեր	(9,122)
Ընդամենը շահույթում կամ վնասում ճանաչված գումար	111,232

13. Հարկում

	2022թ.
Ընթացիկ հարկային պարտավորություն	(119,231)
Հետաձգված հարկի վերականգնում	24,703
Շահութահարկի գծով ծախս	(94,528)

Հայաստանի Հանրապետությունում շահութահարկը հաշվարկվում է 18% դրույքաչափով: ՖՀՄՍ-ի և ՀՀ հարկային օրենսդրության միջև տարբերությունները առաջացնում են որոշակի ակտիվների և պարտավորությունների հաշվեկշռային արժեքի միջև որոշ ժամանակավոր տարբերություններ ֆինանսական հաշվետվությունների և շահութահարկի նպատակներով: Հետաձգված հարկը հաշվարկվում է՝ օգտագործելով հիմնական հարկի դրույքաչափը՝ 18%:

Հարկային արտոնության և հաշվապահական վնասի թվային համադրումը ներկայացված է ստորև.

հազ. ՀՀ դրամ

	2022թ.
Շահույթ մինչև հարկումը	532,936
Շահութահարկ 18% դրույքաչափով	(95,928)
Չուտ վնաս արտարժույթային տարբերություններից	(10,431)
Չնվազեցվող ծախսեր	11,831
Ընդամենը շահութահարկի գծով ծախս	(94,528)

Հետաձգված հարկի շարժը ներկայացված է ստորև.

	17 մարտի 2022թ.	(Ծախսագրված) / Կրեդիտագրված է շահույթում կամ վնասում	31 դեկտեմբերի 2022թ.
Հիմնական միջոցներ	-	(18 861.47)	(18 861.47)
Օգտագործման իրավունքներ (վարձակալություն)	-	(59 377.80)	(59 377.80)
Վարձակալության գծով պարտավորություն	-	59 005.64	59 005.64
Առևտրային և այլ կրեդիտորական պարտքեր	-	22 133.27	22 133.27
Ներմուծված ապրանքներ	-	21 803.56	21 803.56
Հետաձգված հարկային ակտիվ	-	24 703.21	24 703.21

14. Հասույթ

Ընկերության հիմնական գործունեությունը հետազոտությունների և մշակումների, վաճառքի և շուկայավարման ծառայությունների մատուցումն է իր միակ հաճախորդին՝ Nvidia International Inc-ին, որն Ընկերության մայր կազմակերպությունն է: Ծառայությունները ներառում են հետազոտությունների և զարգացման ծառայություններ և վաճառքի և շուկայավարման ծառայություններ: Պայմանագրային պարտավորությունները ներառում են մայր կազմակերպությունից ստացված կանխավճարները՝ մատուցվելիք ծառայությունների դիմաց: 2022թ. դեկտեմբերի 31-ի դրությամբ մայր կազմակերպության կողմից պայմանագրային ակտիվներ և առևտրային դեբիտորական պարտքեր չեն եղել: Պայմանագրային պարտավորությունների հաշվեկշռային արժեքը 2022թ. դեկտեմբերի 31-ի դրությամբ կազմում է 2,408,403 հազ. ՀՀ դրամ:

Ստորև բերված է հաճախորդների հետ պայմանագրերից Ընկերության հասույթի բացվածքը.

	2022թ.
Հետազոտություն և մշակում	4,404,086
Վաճառք և մարքեթինգ	98,842
Ընդամենը	4,502,929

15. Այլ եկամուտ

Այլ եկամուտները ներկայացնում են ապրանքներ, որոնք Ընկերությունը անհատույց ստացել է հմբի մայր կազմակերպությունից և կապակցված կողմերից:

16. Այլ գործառնական ծախսեր

	2022թ.
Մասնագիտական ծառայություններ	87,622
Արտարժույթի փոխարկում	46,109
Գրասենյակային և կոմունալ ծախսեր	30,063
Փոստային և կապի ծախսեր	7,316
Ծրագրային ապահովման սպասարկում	2,744
Գործուղման ծախսեր	944
Չփոխհատուցվող հարկեր	770
Ներկայացուցչական ծախսեր	450
Տույժեր և տուգանքներ	332
Բանկային միջնորդավճարներ	151
Այլ ծախսեր	16,443
Ընդամենը այլ գործառնական ծախսեր	192,944

հազ. ՀՀ դրամ

17. Ֆինանսական գործիքների ռիսկերի կառավարման նպատակներն ու քաղաքականությունը

Ընկերության հիմնական ֆինանսական պարտավորությունները կազմված են առևտրային և այլ կրեդիտորական պարտքերից: Ընկերության հիմնական ֆինանսական ակտիվները ներառում են առևտրային դեբիտորական պարտքեր և դրամական ավանդներ անմիջականորեն իր գործառնությունների գծով: Ընկերությունը ենթարկվում է պարտքային և իրացվելիության ռիսկի: Ընկերության ղեկավարությունը վերահսկում է այդ ռիսկերի կառավարումը: Ընկերության ղեկավարությանը աջակցում է ֆինանսական ռիսկերի կոմիտեն, որը խորհրդատվություն է տրամադրում ֆինանսական ռիսկերի և ֆինանսական ռիսկերի կառավարման համար Ընկերության համապատասխան շրջանակի վերաբերյալ: Ֆինանսական ռիսկերի կոմիտեն Ընկերության ղեկավարությանը ներկայացնում է հավաստիացում առ այն, որ Ընկերության ֆինանսական ռիսկերի գործունեությունը կարգավորվում է համապատասխան քաղաքականություններով և ընթացակարգերով, և որ ֆինանսական ռիսկերը բացահայտվում, չափվում և կառավարվում են Ընկերության քաղաքականության և ռիսկի նպատակների համաձայն: Տնօրենների խորհուրդը վերանայում և համաձայնեցնում է այս ռիսկերից յուրաքանչյուրի կառավարման քաղաքականությունը, որոնք ամփոփված են ստորև:

Շուկայական ռիսկ

Շուկայական ռիսկը ռիսկն է, որ ֆինանսական գործիքի իրական արժեքը կամ ապագա դրամական հոսքերը կարող են տատանվել շուկայական գների փոփոխության պատճառով: Շուկայական ռիսկը ներառում է երեք տեսակի ռիսկ՝ տոկոսադրույքի ռիսկ, արժույթային ռիսկ և այլ գնային ռիսկ, ինչպիսիք են սեփական կապիտալի գնի ռիսկը և ապրանքների ռիսկը:

Տոկոսադրույքի ռիսկ

Տոկոսադրույքի ռիսկը այն ռիսկն է, որ ֆինանսական գործիքի իրական արժեքը կամ ապագա դրամական հոսքերը կարող են տատանվել շուկայական տոկոսադրույքների փոփոխության պատճառով: Ընկերությունը չի ենթարկվում տոկոսադրույքի ռիսկի, քանի որ չունի տոկոսաբեր գործիքներ:

Արտարժույթային ռիսկ

Արտարժույթային ռիսկն այն ռիսկն է, որ իրական արժեքը կամ ապագա դրամական հոսքերը կարող են տատանվել արտարժույթի փոխարժեքների փոփոխության պատճառով: Արտարժույթի փոխարժեքների փոփոխության ռիսկի նկատմամբ Ընկերության ենթարկվածությունը հիմնականում կապված է Ընկերության գործառնական գործունեության հետ (երբ եկամուտը կամ ծախսը արտահայտված է արտարժույթով):

31 դեկտեմբերի 2022թ.			
	Ակտիվներ	Պարտավորություններ	Չուտ դիրք
ԱՄՆ դոլար	2 386 664.94	2 759 481.11	(372 816.16)
Եվրո	351 119.34	13 567.28	337 552.06
Անգլիական ֆունտ	458.18	-	458.18
ՌԴ ռուբլի	12 437.54	-	12 437.54
Ընդամենը	2 750 680.00	2 773 048.38	(22 368.39)

Արտարժույթի ռիսկի զգայունություն

Հետևյալ աղյուսակները ցույց են տալիս արտարժույթների փոխարժեքների հնարավոր ողջամիտ փոփոխության նկատմամբ զգայունությունը, որոնք զգալի ազդեցություն ունեն Ընկերության վրա 2022թ. դեկտեմբերի 31-ի դրությամբ՝ բոլոր մյուս փոփոխականների հաստատուն պահպանման դեպքում: Ընկերության՝ մինչև հարկումը շահույթի վրա ազդեցությունը պայմանավորված է դրամական ակտիվների և պարտավորությունների իրական արժեքի փոփոխություններով:

	ԱՄՆ դոլար/ՀՀ դրամ փոխարժեքի փոփոխություն	Ազդեցությունը մինչև հարկումը շահույթի վրա
ԱՄՆ դոլար	5%	24,541
	-5%	(24,541)
ՌԴ ռուբլի	5%	622
	-5%	(622)
Եվրո	5%	(16,878)
	-5%	16,878

Վարկային ռիսկ

հազ. ՀՀ դրամ

Վարկային ռիսկն այն ռիսկն է, որ գործընկերը չի կատարի ֆինանսական գործիքի կամ հաճախորդի պայմանագրով նախատեսված իր պարտավորությունները, ինչը կհանգեցնի ֆինանսական վնասի: Ընկերության միակ հաճախորդը մայր ընկերությունն է, և ղեկավարությունը գնահատել է, որ Ընկերության վարկային ռիսկի ենթարկվածությունը նվազագույն է:

Իրացվելիության ռիսկ

Ստորև բերված աղյուսակն ամփոփում է Ընկերության ֆինանսական պարտավորությունների մարման ժամկետների վերլուծությունը՝ 2022թ. դեկտեմբերի 31-ի դրությամբ, պայմանագրային չգեղջված վճարումների հիման վրա:

	Մինչև 3 ամիս	3-ից 12 ամիս	1-ից 5 տարի	Ընդամենը
Առևտրային և այլ կրեդիտորական պարտքեր	1,115,007	-	-	1,115,007
Վարձակալության գծով պարտավորություններ	37,767	113,300	188,833	339,900
Ընդամենը ֆինանսական պարտավորություններ	1,152,774	-	-	1,454,907

Ֆինանսական գործիքների իրական արժեքը

Ընկերության ֆինանսական ակտիվների և պարտավորությունների իրական արժեքը 2022 թվականի դեկտեմբերի 31-ի դրությամբ մոտ է դրանց հաշվեկշռային արժեքներին և վերագրվում է իրական արժեքի հիերարխիայի 3-րդ մակարդակին:

18. Կապակցված կողմերի հետ գործարքներ

Հետևյալ աղյուսակը ներկայացնում է կապակցված կողմերի հետ գործարքների և մնացորդների ընդհանուր գումարը համապատասխան ֆինանսական տարվա համար:

	Վաճառք կապակցված կողմերին	Գնում կապակցված կողմերից	Կապակցված և կողմերից ստացման ենթակա գումարներ ը	Կապակցված կողմերին վճարման ենթակա գումարներ
Մայր կազմակերպություն Անոցիացված ընկերություններ	4,502,929	-	-	2,408,403
	-	385,049	-	314,066

19. Հրապարակված, սակայն դեռևս չգործող ստանդարտներ

Նոր և փոփոխված ստանդարտներն ու մեկնաբանությունները, որոնք թողարկվել են, բայց դեռ ուժի մեջ չեն մինչև Ընկերության ֆինանսական հաշվետվությունների հրապարակման ամսաթիվը, ներկայացված են ստորև: Ընկերությունը մտադիր է կիրառել այս նոր և փոփոխված ստանդարտներն ու մեկնաբանությունները, ըստ դրանց կիրառելիության, երբ դրանք ուժի մեջ մտնեն:

Փոփոխություններ ՀՀՄՍ 1-ում. Պարտավորությունների դասակարգում որպես ընթացիկ կամ ոչ ընթացիկ
2020թ. հունվարին, ՀՀՄՍ Խորհուրդը հաստատել է ՀՀՄՍ 1 ստանդարտի պարագրաֆներ 69-ից 76-ում փոփոխությունները՝ հստակեցնելով պարտավորությունները ընթացիկ կամ ոչ ընթացիկ դասակարգելու պահանջները: Փոփոխությունը հստակեցնում է.

- Ի՞նչ է նշանակում վճարումը հետաձգելու իրավունք,
- որ հետաձգելու իրավունքը պետք է գոյություն ունենա հաշվետու ժամանակաշրջանի վերջում,
- որ դասակարգման վրա չի ազդում այն հավանականությունը, որ կազմակերպությունը կկիրառի իր տարկետման իրավունքը,
- որ միայն այն դեպքում, եթե փոխարկելի պարտավորության մեջ ներկառուցված ածանցյալ գործիքն ինքնին բաժնային գործիք է, պարտավորության պայմանները չեն ազդի դրա դասակարգման վրա:

ՀՀՄՍ 1-ի փոփոխություններն ուժի մեջ են մտնում 2023թ. հունվարի 1-ին կամ այդ ամսաթվից սկսվող տարեկան հաշվետու ժամանակաշրջանների համար և պետք է կիրառվեն հետադարձ: Ընկերությունը գնահատում է, որ փոփոխությունները որևէ ազդեցություն չեն ունենա Ընկերության ընթացիկ գործունեության և ֆինանսական հաշվետվությունների վրա:

Հաշվապահական հաշվառման գնահատումների սահմանում - ՀՀՄՍ 8-ի փոփոխություններ

2021թ. փետրվարին ՀՀՄՍ-ն հրապարակել է ՀՀՄՍ 8-ի փոփոխություններ, որտեղ ներկայացնում է «հաշվապահական գնահատումների» սահմանումը: Փոփոխությունները պարզաբանում են հաշվապահական հաշվառման գնահատումների և հաշվապահական հաշվառման քաղաքականության փոփոխությունների և սխալների ուղղման տարբերությունը: Բացի այդ, պարզաբանվում է, թե ինչպես են կազմակերպությունները

հազ. ՀՀ դրամ

օգտագործում չափման տեխնիկական և ելակետային տվյալները հաշվապահական հաշվառման գնահատումներ մշակելու համար: Փոփոխություններն ուժի մեջ են 2023 թվականի հունվարի 1-ին կամ դրանից հետո սկսվող տարեկան հաշվետու ժամանակաշրջանների համար և կիրառվում են հաշվապահական հաշվառման քաղաքականության և հաշվապահական հաշվառման գնահատումների փոփոխությունների նկատմամբ, որոնք տեղի են ունենում այդ ժամանակաշրջանի սկզբին կամ դրանից հետո: Ավելի վաղ կիրառվող թույլատրվում է այս փաստը բացահայտելու պայմանով: Ակնկալվում է, որ փոփոխություններն էական ազդեցություն չեն ունենա Ընկերության ֆինանսական հաշվետվությունների վրա:

Հաշվապահական հաշվառման քաղաքականության բացահայտում. Փոփոխություններ ՀՀՄՍ 1-ում և ՀՀՄՍ-ի Գործնական ուղեցույց 2-ում

2021թ. փետրվարին ՀՀՄՍ-ն թողարկել է փոփոխություններ ՀՀՄՍ 1-ի և «Էականության վերաբերյալ դատողությունների կատարում» ՀՀՄՍ Գործնական կիրառման ուղեցույց 2-ում, որտեղ ներկայացված են ցուցումներ և օրինակներ՝ կազմակերպությունների կողմից հաշվապահական հաշվառման քաղաքականության բացահայտումների գծով էական դատողությունների կատարման վերաբերյալ: Փոփոխությունների նպատակն է օգնել կազմակերպություններին կատարելու հաշվապահական հաշվառման քաղաքականության ավելի օգտակար բացահայտումներ՝ «նշանակալից» հաշվապահական հաշվառման քաղաքականության բացահայտման պահանջը փոխարինելով «Էական» հաշվապահական հաշվառման քաղաքականության բացահայտման պահանջով: Նաև ավելացվել է ուղեցույց այն մասին, թե ինչպես են կազմակերպությունները կիրառում Էականության հայեցակարգը հաշվապահական հաշվառման քաղաքականության բացահայտումների վերաբերյալ որոշումներ կայացնելիս: ՀՀՄՍ 1-ի փոփոխությունները կիրառելի են 2023թ. հունվարի 1-ին կամ դրանից հետո սկսվող տարեկան ժամանակաշրջանների համար, ավելի վաղ կիրառվող թույլատրելի է: Գործնական ուղեցույց 2-ի փոփոխությունները ոչ պարտադիր ուղեցույց են հանդիսանում հաշվապահական հաշվառման քաղաքականության տեղեկատվության մեջ Էականության սահմանման կիրառման վերաբերյալ, հետևաբար այդ փոփոխությունների ուժի մեջ մտնելու ամսաթիվ անհրաժեշտ չէ: Ընկերությունը ներկայումս վերանայում է իր հաշվապահական հաշվառման քաղաքականության մեջ տեղեկատվության բացահայտումները՝ փոփոխված պահանջներին համապատասխանություն ապահովելու համար:

Մեկ գործարքից բխող ակտիվների և պարտավորությունների հետ կապված հետաձգված հարկ - ՀՀՄՍ 12-ի փոփոխություններ

2021թ. մայիսին Խորհուրդը փոփոխություններ է կատարել ՀՀՄՍ 12-ում, որոնք սահմանափակում են ՀՀՄՍ 12-ի համաձայն նախնական ճանաչման բացառության շրջանակը, ինչի արդյունքում այն այլևս կիրառելի չէ հավասարաչափ հարկվող և նվազեցվող ժամանակավոր տարբերություններ առաջացնող գործարքների նկատմամբ: Փոփոխությունները պետք է կիրառվեն այն գործարքների նկատմամբ, որոնք տեղի են ունենում ներկայացված ամենավաղ համեմատական ժամանակաշրջանի սկզբին կամ դրանից հետո: Ի լրումն, ներկայացված ամենավաղ համեմատական ժամանակաշրջանի սկզբում հետաձգված հարկային ակտիվը (պայմանով, որ առկա է բավարար հարկվող շահույթ) և հետաձգված հարկային պարտավորությունը պետք է ճանաչվեն նաև վարձակալության և ապագործարկման պարտավորությունների հետ կապված բոլոր նվազեցվող և հարկվող ժամանակավոր տարբերությունների համար: Ընկերությունը ներկայումս գնահատում է փոփոխությունների ազդեցությունը: